

ओं नमः परमात्मने, श्री महागणपतये नमः,  
श्री गुरुभ्यो नमः, हरिः ओं

कृष्ण यजुर्वेदीय तैत्तिरीय संहिता पद पाठः  
(वाक्य सहित)

सप्तमकाण्डे तृतीयः प्रश्नः

**Notes:**

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site [www.vedavms.in](http://www.vedavms.in)

---

## **Version Notes:**

**This is now the current Version 1.0 dated September 30, 2021.**

1. This replaces the earlier version 0.1 dated March 31, 2020.
2. We have listened to the Pada Parayanam telecast by TTD channel. The corrections found have been updated . The corrections found and reported till September 30, 2021 are also updated.
3. Required convention, style and presentation improvements or standardisations has been done wherever applicable.
4. Notify your corrections / suggestions etc to our email id [vedavms@gmail.com](mailto:vedavms@gmail.com)

## **Earlier Versions**

1st	Version Number	0.0 dated 30th September 2018
2nd	Version Number	0.0 dated 31st January 2019
3rd	Version Number	0.0 dated 30th November 2019
4th	Version Number	0.1 dated 31st Mar 2020

---

## Contents

7 कृष्ण यजुर्वेदीय तैत्तिरीय पद पाठे संहितायां  
सप्तमं काण्डं 4

7.3 सप्तमकाण्डे तृतीयः प्रश्नः - सत्रजातनिरूपणं..... 4

पद पाठे (वाक्य सहित) – सप्तमकाण्डे – तृतीयः प्रश्नः

ओं नमः परमात्मने, श्री महागणपतये नमः,

श्री गुरुभ्यो नमः, हरिः ओं

## 7 कृष्ण यजुर्वेदीय तैत्तिरीय पद पाठे संहितायां सप्तमं

### काण्डं

#### 7.3 सप्तमकाण्डे तृतीयः प्रश्नः – सत्रजातनिरूपणं

##### TS 7.3.1.1

प्र॒ज॒वं वा॑ ए॒तेन॑ य॒न्ति॒ यद्-द॑श॒मम॑हः पा॒पाव॑ही॒यं वा॑ ए॒तेन॑ भ॒वन्ति॒  
यद्-द॑श॒मम॑ह॒र्यो वै प्र॒ज॒वं य॑ता॒मप॑थेन प्रतिप॒द्यते॑ यः स्था॒णुं ह॑न्ति॒  
यो भ्रेषं॑ न्येति॒ स ही॑यते॒ स यो वै द॑श॒मेऽह॑न्न॒विवा॑क्य॒ उप॑ह॒न्यते॒ स  
ही॑यते॒ तस्मै॑ य॒ उप॑ह॒ताय॒ व्याह॑ तमे॒वान्वा॒रभ्य॑ सम॒श्नुते॑ ऽथ

यो व्याह स - [ ] 1

##### TS 7.3.1.1 - Padam

प्र॒ज॒व॒मि॒ति प्र॑ - ज॒वम् । वै । ए॒तेन॑ । य॒न्ति॒ । यत् । द॒श॒मम् ।  
अ॒हः । पा॒पाव॑ही॒यमि॑ति॒ पाप॑ - अ॒व॒ही॒यम् । वै । ए॒तेन॑ । भ॒वन्ति॒ ।  
यत् । द॒श॒मम् । अ॒हः । यः । वै । प्र॒ज॒व॒मि॒ति प्र॑ - ज॒वम् । य॒ताम् ।

अप॑थेन । प्रति॑पद्य॑त इति॑ प्रति – पद्य॑ते । यः । स्था॒णुम् । हन्ति॑ ।  
यः । भ्रेष॑म् । न्येती॑ति नि – एति॑ । सः । ही॒यते॑ । सः । यः । वै ।  
द॒शमे॑ । अह॑न् । अ॒वि॒वा॒क्य इत्य॑वि – वा॒क्ये । उ॒प॒ह॒न्यत॑  
इत्यु॑प-ह॒न्यते॑ ॥ सः । ही॒यते॑ । तस्मै॑ ॥ यः । उ॒प॒ह॒ता॒येत्यु॑प-ह॒ताय॑ ।  
व्याहे॑ति वि – आह॑ । तम् । ए॒व । अ॒न्वा॒र॒भ्येत्य॑नु – आ॒र॒भ्य ।  
समि॑ति । अ॒श्नु॒ते । अथ॑ । यः । व्याहे॑ति वि – आह॑ । सः । 1 ( 50)

**TS 7.3.1.2**

ही॒यते॑ तस्मा॑द्-द॒शमे॑ ऽह॑न्नवि॒वा॒क्य उ॒प॒ह॒ताय॑ न व्यु॒च्यम॑थो  
ख॒ल्वाहु॑र्य॒ज्ञस्य॑ वै समृ॑द्धेन दे॒वाः सु॒वर्गं॑ लो॒कमा॑यन् । य॒ज्ञस्य॑  
व्यृ॒द्धेना॑सु॒रान् परा॑ ऽभा॒वय॑न्निति॒ यत् ख॒लु वै य॒ज्ञस्य॑ समृ॑द्धं तद्-  
य॒ज॒मा॒नस्य॑ यद्व्यृ॒द्धं तद्-भ्रा॑तृ॒व्यस्य॑ स यो वै द॒शमे॑ ऽह॑न्नवि॒वा॒क्य  
उ॒प॒ह॒न्यते॑ स ए॒वाति॑ रेच॒यति॑ ते ये बा॒ह्या दृ॑शी॒कवः॑ – [ ] 2

**TS 7.3.1.2 - Padam**

ही॒यते॑ । तस्मा॑त् । द॒शमे॑ । अह॑न् । अ॒वि॒वा॒क्य इत्य॑वि – वा॒क्ये ।  
उ॒प॒ह॒ता॒येत्यु॑प – ह॒ताय॑ । न । व्यु॒च्यमि॑ति वि-उ॒च्यम्॑ । अथो॑ इति॑ ।

पद पाठे (वाक्य सहित) – सप्तमकाण्डे – तृतीयः प्रश्नः

खलु॑ । आ॒हुः॑ । य॒ज्ञस्य॑ । वै । समृ॑द्धे॒नेति॑ सं – ऋ॒द्धे॒न । दे॒वाः ।  
सु॒वर्ग॑मिति॒ सुवः॑ – गम् । लो॒कम् । आ॒यन् । य॒ज्ञस्य॑ । व्यृ॑द्धे॒नेति॑  
वि – ऋ॒द्धे॒न । अ॒सुरान् । प॒रेति॑ । अ॒भा॒व॒यन् । इति॑ । यत् । खलु॑ ।  
वै । य॒ज्ञस्य॑ । समृ॑द्धमिति॒ सं – ऋ॒द्धम् । तत् । य॒ज॒मान॑स्य । यत् ।  
व्यृ॑द्धमिति॒ वि-ऋ॒द्धम् । तत् । भ्रा॒तृ॒व्यस्य॑ । सः । यः । वै । द॒श॒मे ।  
अ॒हन् । अ॒वि॒वा॒क्य॑ इत्य॒वि – वा॒क्ये । उ॒प॒ह॒न्यत॑ इत्यु॒प – ह॒न्यते॑ ॥  
सः । ए॒व । अ॒तीति॑ । रे॒च॒यति॑ । ते । ये । बा॒ह्याः ॥

दृ॒शी॒क॒वः । 2 (50)

**TS 7.3.1.3**

स्यु॑स्ते वि ब्रू॒युर्यदि॑ तत्र॒ न वि॒न्दे॒युरन्त॑स्सद॒साद्-व्यु॒च्यं ॑यदि॒ तत्र॒ न  
वि॒न्दे॒युर्गृ॑ह॒पति॑ना व्यु॒च्यं तद् व्यु॒च्यमे॒वाथ॑ वा ए॒तथ् सर्प॑रा॒ज्ञिया॑  
ऋ॒ग्भिः॑ स्तु॒वन्ती॑यं ॑वै सर्प॑तो॒ राज्ञी॑ यद्-वा अ॒स्यां किं॑ चा॒र्चन्ति॑  
यदा॑नृ॒चु स्ते॒नेय॑ꣳ सर्प॑रा॒ज्ञी ते॑ यदे॒व किं॑ च वा॒चा

ऽऽनृ॑चुर्यदतोद्ध्यर्चितार – [ ] 3

**TS 7.3.1.3 - Padam**

स्युः । ते । वीति । ब्रूयुः । यदि । तत्र । न । विन्देयुः ।  
अन्तस्सदसादित्यन्तः – सदसात् । व्युच्यमिति वि – उच्यम् ।  
यदि । तत्र । न । विन्देयुः । गृहपतिनेति गृह – पतिना । व्युच्यमिति  
वि – उच्यम् । तत् । व्युच्यमिति वि – उच्यम् । एव । अथ । वै ।  
एतत् । सर्पराज्ञिया इति सर्प – राज्ञियाः । ऋग्भिरित्यृक् – भिः ।  
स्तुवन्ति । इयम् । वै । सर्पतः । राज्ञी । यत् । वै । अस्याम् ।  
किम् । च । अर्चन्ति । यत् । आनृचुः । तेन । इयम् । सर्पराज्ञीति  
सर्प-राज्ञी । ते । यत् । एव । किम् । च । वाचा । आनृचुः । यत् ।  
अतोधि । अर्चितारः । 3 (50)

**TS 7.3.1.4**

-स्तदुभयमाप्त्वा ऽवरुद्ध्योत् तिष्ठामेति ताभिर्मनसा स्तुवते न वा  
इमामश्चरथो नाऽश्चतरीरथः सद्यः पर्याप्तुमर्हति मनो वा इमां सद्यः  
पर्याप्तुमर्हति मनः परिभवितुमथ ब्रह्म वदन्ति परिमिता वा ऋचः

पद पाठे (वाक्य सहित) – सप्तमकाण्डे – तृतीयः प्रश्नः

परि॑मितानि॒ सामानि॑ परि॑मितानि॒ यजू॑ष्यथै॒तस्यै॒वान्तो॑  
नास्ति॒ यद्-ब्र॑ह्म तत् प्रति॑गृणत आ चक्षी॑त स ( ) प्रति॑गरः ॥ 4

**TS 7.3.1.4 - Padam**

तत् । उ॒भय॑म् । आ॒प्त्वा । अ॒वरु॑द्ध्येत्यव - रु॒द्ध्य॑ । उ॒दिति॑ ।  
ति॒ष्ठाम॑ । इति॑ । ताभिः॑ । मन॑सा । स्तु॒वते॑ । न । वै । इ॒माम् ।  
अ॒श्वर॑थ इत्य॑श्व - रथः॑ । न । अ॒श्वत॑रीरथ इत्य॑श्वतरी - रथः॑ ।  
सद्यः॑ । पर्या॑प्तुमिति॒ परि॑-आ॒प्तुम् । अ॒र्हति॑ । मनः॑ । वै । इ॒माम् ।  
सद्यः॑ । पर्या॑प्तुमिति॒ परि॑ - आ॒प्तुम् । अ॒र्हति॑ । मनः॑ ।  
परि॑भवितुमिति॒ परि॑-भ॒वितु॑म् । अथ॑ । ब्र॒ह्म । व॒दन्ति॑ । परि॑मिता इति॒  
परि॑-मि॒ताः । वै । ऋ॒चः । परि॑मिता॒नीति॑ परि॒ - मि॒तानि॑ । सामानि॑ ।  
परि॑मिता॒नीति॑ परि॒ - मि॒तानि॑ । यजू॑षि । अथ॑ । ए॒तस्य॑ । ए॒व ।  
अ॒न्तः । न । अ॒स्ति॑ । यत् । ब्र॒ह्म । तत् ।

प्रति॑गृणत इति॑ प्रति - गृ॒णते॑ । एति॑ । चक्षी॑त । सः ( ) ।

प्रति॑गर इति॑ प्रति - गरः॑ ॥ 4 (51)

(व्या॒ह स - दृ॑शी॒कवा॑ - ऽर्चि॑तारः - स - एकं॑ च) (A1)



**TS 7.3.2.1**

ब्रह्मवादि॑नो॒ वदन्ति॑ किं॒ द्वाद॑शा॒हस्य॑ प्रथ॒मेना॑ह॒र्त्विजां॑ य॒जमा॑नो  
वृ॒द्ध इति॑ तेज॒ इन्द्रि॑यमि॒ति किं॒ द्विती॑येनेति॒ प्राणा॑न॒न्नाद्य॑मि॒ति किं॒  
तृती॑येनेति॒ त्रीनि॑मान् लो॒कानि॑ति॒ किं चतु॑र्थेनेति॒ चतु॑ष्पदः प॒शूनि॑ति॒  
किं पञ्च॑मेनेति॒ पञ्चा॑क्षरां प॒ङ्क्ति॑मि॒ति किञ् ष॑ष्ठेनेति॒ षड् ऋ॑तूनि॒ति  
किञ् सप्त॑मेनेति॒ सप्त॑पदाञ् शक्व॑रीमि॒ति – [ ] 5

**TS 7.3.2.1 - Padam**

ब्रह्मवादि॑न इति॒ ब्रह्म – वादि॑नः । वदन्ति॑ । किम् । द्वाद॑शा॒हस्येति॑  
द्वाद॑श – अ॒हस्य॑ । प्रथ॒मेन॑ । अ॒हा ॥ ऋ॒त्विजा॑म् । य॒जमा॑नः । वृ॒द्धे ।  
इति॑ । तेजः॑ । इन्द्रि॑यम् । इति॑ । किम् । द्विती॑येन । इति॑ । प्राणा॑नि॒ति  
प्र – अ॒नान् । अ॒न्नाद्य॑मित्यन्न – अद्य॑म् । इति॑ । किम् । तृती॑येन ।  
इति॑ । त्रीन् । इ॒मान् । लो॒कान् । इति॑ । किम् । चतु॑र्थेन । इति॑ ।  
चतु॑ष्पद इति॒ चतुः-प॒दः । प॒शून् । इति॑ । किम् । पञ्च॑मेन । इति॑ ।  
पञ्चा॑क्षरामि॒ति पञ्च – अ॒क्षरा॑म् । प॒ङ्क्ति॑म् । इति॑ । किम् । ष॑ष्ठेन ।

पद पाठे (वाक्य सहित) – सप्तमकाण्डे – तृतीयः प्रश्नः

इति । षट् । ऋतून् । इति । किम् । सप्तमेन । इति ।

सप्तपदामिति सप्त – पदाम् । शक्वरीम् । इति । 5 (50)

**TS 7.3.2.2**

किमष्टमेनेत्यष्टाक्षरां गायत्रीमिति किं नवमेनेति त्रिवृतं स्तोममिति  
किं दशमेनेति दशाक्षरां विराजमिति किमेकादशेनेत्येकादशाक्षरां  
त्रिष्टुभमिति किं द्वादशेनेति द्वादशाक्षरां जगतीमित्येतावद्-वा अस्ति  
यावदेतद्-यावदेवास्ति तदेषां वृद्धे ॥ 6

**TS 7.3.2.2 - Padam**

किम् । अष्टमेन । इति । अष्टाक्षरमित्यष्टा – अक्षराम् । गायत्रीम् ।  
इति । किम् । नवमेन । इति । त्रिवृतमिति त्रि – वृतम् । स्तोमम् ।  
इति । किम् । दशमेन । इति । दशाक्षरामिति दश – अक्षराम् ।  
विराजमिति वि – राजम् । इति । किम् । एकादशेन । इति ।  
एकादशाक्षरमित्येकादश – अक्षराम् । त्रिष्टुभम् । इति । किम् ।  
द्वादशेन । इति । द्वादशाक्षरामिति द्वादश – अक्षराम् । जगतीम् ।  
इति । एतावत् । वै । अस्ति । यावत् । एतत् । यावत् । एव ।  
अस्ति । तत् । एषाम् । वृद्धे ॥ 6 (41)

(शक्वरीमित्ये – कचत्वारिंशच्च) (A2)

**TS 7.3.3.1**

ए॒ष वा आ॒प्तो द्वा॒द॒शा॒हो यत् त्रयो॑द॒शा॒त्रः स॒मा॒न॒ऽह्ये॑तद॒ह॒र्यत्  
 प्रा॒य॒णी॒यश्चो॒द॒य॒नी॒यश्च॒ त्र्य॒ति॒रा॒त्रो भ॒वति॑ त्रय॑ इ॒मे लो॒का ए॒षां  
 लो॒का॒ना॒मा॒प्त्यै॑ प्रा॒णो वै प्र॒थ॒मो अ॒ति॒रा॒त्रो व्या॒नो द्वि॒तीयो॑ ऽपान॑ स्तृ॒तीयः॑  
 प्रा॒णा॒पा॒नो॒दाने॑ष्वे॒वान्नाद्ये॑ प्रति॑ तिष्ठन्ति॒ सर्व॒मायु॑र्यन्ति॒ य ए॒वं  
 वि॒द्वा॒ँस-स्त्रयो॑द॒शा॒त्र-मा॒सते॑ तदाहु॒र्वा॒ग्वा ए॒षा वि॒तता॑ - [ ] 7

**TS 7.3.3.1 - Padam**

ए॒षः । वै । आ॒प्तः । द्वा॒द॒शा॒ह इति॑ द्वादश – अ॒हः । यत् ।  
 त्रयो॑द॒शा॒त्र इति॑ त्रयोदश – रा॒त्रः । स॒मा॒न॒म् । हि । ए॒तत् ।  
 अ॒हः । यत् । प्रा॒य॒णी॒य इति॑ प्र – अ॒य॒नी॒यः । च । उ॒द॒य॒नी॒य  
 इत्यु॑त् – अ॒य॒नी॒यः । च । त्र्य॒ति॒रा॒त्र इति॑ त्रि – अ॒ति॒रा॒त्रः ।  
 भ॒वति॑ । त्रयः॑ । इ॒मे । लो॒काः । ए॒षाम् । लो॒का॒ना॒म् । आ॒प्त्यै॑ ।  
 प्रा॒ण इति॑ प्र – अ॒नः । वै । प्र॒थ॒मः । अ॒ति॒रा॒त्र इत्यति॑ – रा॒त्रः ।  
 व्या॒न इति॑ वि – अ॒नः । द्वि॒तीयः॑ । अ॒पा॒न इत्यप॑-अ॒नः । तृ॒तीयः॑ ।

पद पाठे (वाक्य सहित) – सप्तमकाण्डे – तृतीयः प्रश्नः

प्राणा॑पानो॒दानेष्वि॑ति प्राणा॑पान – उ॒दानेषु॑ । ए॒व । अ॒न्नाद्य॑  
इ॒त्यन्न॑ – अद्यै॑ । प्र॒तीति॑ । ति॒ष्ठन्ति॑ । सर्व॑म् । आ॒युः । य॒न्ति । ये ।  
ए॒वम् । वि॒द्वा॒सः । त्रयो॑दश॒रात्र॑मिति॒ त्रयो॑दश – रा॒त्रम् । आ॒सते॑ ।  
तत् । आ॒हुः । वाक् । वै । ए॒षा । वि॒त॒तेति॑ वि – त॒ता । 7 (50)

**TS 7.3.3.2**

यद् द्वा॒दशा॒हस्तां॑ वि॒च्छिन्द्यु॑र्यन्म॒द्ध्ये॑ ऽति॒रात्रं॑ कु॒र्यु-रु॒पदा॑सु॒का  
गृ॒हप॑ते॒र्वाख् स्या॑-दु॒परि॑ष्टाच्छ॒न्दो॒मानां॑ महा॒व्रतं॑ कु॒र्वन्ति॑ स॒न्तता॑मे॒व  
वाच॑म॒व रु॒न्धते॑ ऽनु॒पदा॑सु॒का गृ॒हप॑ते॒र्वाग्-भ॑वति॒ पश॑वो॒ वै छ॒न्दो॒मा  
अ॒न्नं महा॑व्रतं॒ यदु॒परि॑ष्टाच्छ॒न्दो॒मानां॑ महा॒व्रतं॑ कु॒र्वन्ति॑ प॒शुषु॑ चै॒वान्नाद्यै॑  
च॒ प्रति॑ ति॒ष्ठन्ति॑ ॥ 8

**TS 7.3.3.2 - Padam**

यत् । द्वा॒दशा॒ह इति॑ द्वा॒दश – अ॒हः । ताम् । वी॒ति । छि॒न्द्युः । यत् ।  
म॒द्ध्ये॑ । अ॒ति॒रात्र॑मित्यति-रा॒त्रम् । कु॒र्युः । उ॒पदा॑सु॒केत्यु॒प-दा॑सु॒का ।  
गृ॒हप॑ते॒रिति॑ गृ॒ह – प॒तेः । वाक् । स्यात् । उ॒परि॑ष्टात् ।  
छ॒न्दो॒माना॑मिति॒ छन्दः॑ – मा॒नाम् । म॒हा॒व्रत॑मिति॒ महा॑ – व्र॒तम् ।  
कु॒र्वन्ति॑ । स॒न्तता॑मिति॒ सं-त॒ताम् । ए॒व । वाच॑म् । अ॒वेति॑ । रु॒न्धते॑ ।

अनुपदासुकेत्यनुप – दासुका । गृहपतेरिति गृह – पतेः । वाक् ।  
भवति । पशवः । वै । छन्दोमा इति छन्दः – माः । अन्नम् ।  
महाव्रतमिति महा – व्रतम् । यत् । उपरिष्ठात् । छन्दोमानामिति  
छन्दः – मानाम् । महाव्रतमिति महा – व्रतम् । कुर्वन्ति । पशुषु ।  
च । एव । अन्नाद्य इत्यन्न – अद्यै । च । प्रतीति । तिष्ठन्ति ॥ 8 (43)

(वितता – त्रिचत्वारिंशच्च) (A3)

**TS 7.3.4.1**

आदित्या अकामयन्तो-भयोर्लोकयोर्. ऋद्ध्नुयामेति त एतं  
चतुर्दशरात्र- मपश्यन् तमा ऽहरन् तेनायजन्त ततो वै त उभयो-  
र्लोकयो-रर्द्ध्नुवन्नस्मिञ्श्चा-मुष्मिञ्श्च य एवं विद्वाञ्स्-  
श्चतुर्दशरात्रमासत उभयोरेव लोकयोर्. ऋद्ध्नुवन्त्यस्मिञ्श्चा-मुष्मिञ्श्च  
चतुर्दशरात्रो भवति सप्त ग्राम्या ओषधयः सप्ताऽऽरण्या  
उभयीषामवरुद्ध्यै यत् पराचीनानि पृष्ठानि – [ ] 9

पद पाठे (वाक्य सहित) – सप्तमकाण्डे – तृतीयः प्रश्नः

**TS 7.3.4.1 - Padam**

आ॒दि॒त्याः॑ । अ॒का॒म॒य॒न्त॑ । उ॒भ॒योः॑ । लो॒क॒योः॑ । ऋ॒द्॒ध॒नु॒या॒म॑ । इति॑ ।  
ते । ए॒त॒म् । च॒तु॒र्द॒श॒रा॒त्र॒मि॒ति॑ च॒तु॒र्द॒श॑ – रा॒त्र॒म् । अ॒प॒श्य॒न् । त॒म् ।  
ए॒ति॑ । अ॒ह॒र॒न् । ते॒न॑ । अ॒य॒ज॒न्त॑ । त॒तः॑ । वै । ते । उ॒भ॒योः॑ ।  
लो॒क॒योः॑ । आ॒र्द्॒ध॒नु॒व॒न् । अ॒स्मि॒न् । च॒ । अ॒मु॒ष्मि॒न् । च॒ । ये ।  
ए॒व॒म् । वि॒द्वा॒ꣳसः॑ । च॒तु॒र्द॒श॒रा॒त्र॒मि॒ति॑ च॒तु॒र्द॒श॑ – रा॒त्र॒म् । आ॒स॒ते॑ ।  
उ॒भ॒योः॑ । ए॒व । लो॒क॒योः॑ । ऋ॒द्॒ध॒नु॒व॒न्ति॑ । अ॒स्मि॒न् । च॒ ।  
अ॒मु॒ष्मि॒न् । च॒ । च॒तु॒र्द॒श॒रा॒त्र॒ इति॑ च॒तु॒र्द॒श॑ – रा॒त्रः॑ । भ॒व॒ति॑ ।  
स॒प्त॑ । ग्रा॒म्याः॑ । ओ॒ष॒ध॒यः॑ । स॒प्त॑ । आ॒र॒ण्याः॑ । उ॒भ॒यी॑षाम् ।  
अ॒व॒रु॒द्ध्य॑ इत्य॒व॒-रु॒द्ध्यै॑ । यत् । प॒रा॒ची॒ना॒नि॑ । पृ॒ष्ठा॒नि॑ । 9 (50)

**TS 7.3.4.2**

भ॒व॒न्त्य॒मु॒मे॒व॑ तै॒र्लो॒क॒म॒भि॑ ज॒य॒न्ति॒ यत् प्र॑ती॒ची॒ना॒नि॑ पृ॒ष्ठा॒नि॑  
भ॒व॒न्ती॒म॒मे॒व॑ तै॒र्लो॒क॒म॒भि॑ ज॒य॒न्ति॒ त्र॒य॒स्त्रि॒ꣳशौ॑ म॒द्ध्य॒तः॑ स्तो॒मौ॑  
भ॒व॒तः॑ सा॒म्रा॒ज्य॒मे॒व॑ ग॒च्छ॒न्त्य॒धि॒रा॒जौ॑ भ॒व॒तो॑ऽधि॒रा॒जा॑ ए॒व॑ स॒मा॒ना॒नां॑  
भ॒व॒न्त्य॒ति॒रा॒त्रा॒व॒भि॒तो॑ भ॒व॒तः॑ परि॒गृ॒ही॒त्यै॑ ॥ 10

**TS 7.3.4.2 - Padam**

भवन्ति॑ । अ॒मुम् । ए॒व । तैः॑ । लो॒कम् । अ॒भीति॑ । ज॒यन्ति॑ । यत् ।  
प्र॒ती॒ची॒नानि॑ । पृ॒ष्ठानि॑ । भवन्ति॑ । इ॒मम् । ए॒व । तैः॑ । लो॒कम् ।  
अ॒भीति॑ । ज॒यन्ति॑ । त्र॒यस्त्रि॑ञ्श॒विति॑ त्रयः – त्रि॑ञ्शौ । म॒द्ध्यतः॑ ।  
स्तो॒मौ॑ ॥ भवतः॑ । सा॒म्राज्य॑मिति॒ सां – राज॑यम् । ए॒व । ग॒च्छन्ति॑ ।  
अ॒धि॒रा॒जा॒वित्य॑धि – रा॒जौ । भवतः॑ । अ॒धि॒रा॒जा इत्य॑धि – रा॒जाः ।  
ए॒व । स॒मा॒नाना॑म् । भवन्ति॑ । अ॒ति॒रा॒त्रा॒वित्य॑ति – रा॒त्रौ । अ॒भितः॑ ।  
भवतः॑ । परि॑गृहीत्या इति॒ परि॑ – गृ॒हीत्यै॑ ॥ 10 (34)

(पृ॒ष्ठानि॑ – च॒तुस्त्रि॑ञ्शच्च) (A4)

**TS 7.3.5.1**

प्र॒जा॒पतिः॑ सु॒वर्गं॑ लो॒कमै॑त् तं दे॒वा अ॒न्वा॒यन् ताना॑दि॒त्याश्च॑  
प॒श॒वश्चा॑न्वा॒यन् ते॑ दे॒वा अ॒ब्रु॒वन् । यान् प॒शून्नु॒पा॒जी॒विष्म॑ त इ॒मै  
ऽन्वा॑ग्म॒न्निति॑ तेभ्य॑ ए॒तं च॑तु॒र्दश॑रा॒त्रं प्र॒त्यौ॑हन् त आ॒दि॒त्याः पृ॒ष्ठैः  
सु॒वर्गं॑ लो॒कमा॑ऽरो॒हन् त्र्य॒हा॒भ्याम॑स्मिन् लो॒के प॒शून् प्र॒त्यौ॑हन्  
पृ॒ष्ठैरा॑दि॒त्या अ॒मुष्मिन्॑ लो॒क आ॑र्द्ध॒नुवन्॑ त्र्य॒हा॒भ्याम॑स्मिन् – [ ] 11

पद पाठे (वाक्य सहित) – सप्तमकाण्डे – तृतीयः प्रश्नः

**TS 7.3.5.1 - Padam**

प्र॒जा॒प॒ति॒रि॒ति॒ प्र॒जा – प॒तिः॑ । सु॒व॒र्ग॒मि॒ति॑ सु॒वः – ग॒म् । लो॒क॒म् ।  
ऐ॒त् । त॒म् । दे॒वाः । अ॒न्वि॒ति॑ । आ॒य॒न् । तान् । आ॒दि॒त्याः । च ।  
प॒श॒वः॑ । च । अ॒न्वि॒ति॑ । आ॒य॒न् । ते । दे॒वाः । अ॒ब्रु॒व॒न् । यान् ।  
प॒शून् । उ॒पा॒जी॒वि॒ष्मे॒त्यु॒प – अ॒जी॒वि॒ष्म । ते । इ॒मे ।  
अ॒न्वा॒ग॒म॒न्नि॒त्य॒नु॒-आ॒ग॒म॒न् । इ॒ति॑ । ते॒भ्यः॑ । ए॒त॒म् । च॒तु॒र्द॒श॒रा॒त्र॒मि॒ति॑  
च॒तु॒र्द॒श॒-रा॒त्र॒म् । प्र॒ती॒ति॑ । औ॒ह॒न् । ते । आ॒दि॒त्याः । पृ॒ष्ठैः॑ ।  
सु॒व॒र्ग॒मि॒ति॑ सु॒वः – ग॒म् । लो॒क॒म् । ए॒ति॑ । अ॒रो॒ह॒न् ।  
त्र्य॒हा॒भ्या॒मि॒ति॑ त्रि – अ॒हा॒भ्या॑म् ॥ अ॒स्मि॒न् । लो॒के॑ । प॒शून् ।  
प्र॒ती॒ति॑ । औ॒ह॒न् । पृ॒ष्ठैः॑ । आ॒दि॒त्याः । अ॒मु॒ष्मि॒न् । लो॒के॑ ।  
आ॒र्द्ध॒नु॒व॒न् । त्र्य॒हा॒भ्या॒मि॒ति॑ त्रि – अ॒हा॒भ्या॑म् ॥ अ॒स्मि॒न् । 11 (50)

**TS 7.3.5.2**

लो॒के॑ प॒श॒वो॒ य ए॒वं वि॒द्वा॒ँस॑-श्च॒तु॒र्द॒श॒रा॒त्र॒मा॒स॒त उ॒भयो॑रे॒व  
लो॒कयो॑र्. ऋ॒द्ध॒नु॒व॒न्त्य॒स्मि॑ञ्श्चा॒मु॒ष्मि॑ञ्श्च पृ॒ष्ठै॒रे॒वा॒मु॒ष्मि॑न्  
लो॒क॑ ऋ॒द्ध॒नु॒व॒न्ति॑ त्र्य॒हा॒भ्या॒म॒स्मि॑न् लो॒के॑ ज्यो॒ति॒र्गौ॑रा॒यु॒रि॒ति॑ त्र्य॒हो  
भ॒व॒ती॒यं वा॑व ज्यो॒ति॒र॒न्त॒रि॒क्षं॑ गौ॒र॒सा॒वा॒यु॒रि॒मा॒ने॒व लो॒का॒न॒भ्या॑रो॒ह॒न्ति॑



यद॒न्यतः॑ पृ॒ष्ठानि॑ स्युर्वि॒विवध॑ꣳ स्यान्म॒द्ध्ये॑ पृ॒ष्ठानि॑ भवन्ति

सविवध॒त्वायौ॑ – [ ] 12

**TS 7.3.5.2 - Padam**

लो॒के । प॒शवः॑ । ये । ए॒वम् । वि॒द्वाꣳसः॑ । च॒तु॒र्द॒श॒रा॒त्रमि॑ति  
चतु॒र्द॒श – रा॒त्रम् । आ॒स॒ते । उ॒भयोः॑ । ए॒व । लो॒कयोः॑ । ऋ॒द्ध्नु॒वन्ति॑ ।  
अ॒स्मिन् । च । अ॒मुष्मिन् । च । पृ॒ष्ठैः । ए॒व । अ॒मुष्मिन् । लो॒के ।  
ऋ॒द्ध्नु॒वन्ति॑ । त्र्य॒हा॒भ्यामि॑ति त्रि – अ॒हा॒भ्याम् । अ॒स्मिन् । लो॒के ।  
ज्यो॒तिः । गौः॑ । आ॒युः । इति॑ । त्र्य॒ह इति॑ त्रि-अ॒हः । भ॒वति॑ । इ॒यम् ।  
वा॒व । ज्यो॒तिः । अ॒न्तरि॑क्षम् । गौः॑ । अ॒सौ । आ॒युः । इ॒मान् । ए॒व ।  
लो॒कान् । अ॒भ्यारो॑हन्तीत्यभि – आ॒रो॒हन्ति॑ । यत् । अ॒न्यतः॑ । पृ॒ष्ठानि॑ ।  
स्युः । वि॒विवध॑मिति वि-वि॒वध॑म् । स्यात् । म॒द्ध्ये॑ । पृ॒ष्ठानि॑ ।  
भवन्ति॑ । स॒विवध॒त्वायेति॑ सविवध – त्वाय॑ । 12 (50)

**TS 7.3.5.3**

-जो॒ वै वी॒र्यं॑ पृ॒ष्ठान्यो॑ज ए॒व वी॒र्यं॑ म॒द्ध्यतो॑ द॒धते॑ बृ॒ह॒द्रथ॑न्तरा॒भ्यां॑  
य॒न्तीयं॑ वा॒व रथ॑न्तर॒मसौ॑ बृ॒हदा॒भ्यामे॒व य॒न्त्यथो॑ अ॒नयो॑रे॒व प्रति॑

पद पाठे (वाक्य सहित) – सप्तमकाण्डे – तृतीयः प्रश्नः

तिष्ठन्त्येते वै यज्ञस्याञ्जसायनी स्रुती ताभ्यामेव सुवर्गं लोकं यन्ति  
पराञ्चो वा एते सुवर्गं लोकमभ्यारोहन्ति ये पराचीनानि  
पृष्ठान्युपयन्ति प्रत्यङ् न्यहो भवति प्रत्यवरूढ्या अथो प्रतिष्ठित्या ( )  
उभयोर्लोकयोर् ऋद्ध्वोत् तिष्ठन्ति चतुर्दशैतास्तासां या दश  
दशाक्षरा विराडन्नं विराड् विराजैवान्नाद्यमव रुन्धते याश्चतस्रश्चतस्रो  
दिशो दिक्ष्वेव प्रति तिष्ठन्त्यतिरात्रावभितो भवतः परिगृहीत्यै ॥ 13

**TS 7.3.5.3 - Padam**

ओजः । वै । वीर्यम् । पृष्ठानि । ओजः । एव । वीर्यम् । मद्ध्यतः ।  
दधते । बृहद्ग्रथन्तराभ्यामिति बृहत् – रथन्तराभ्याम् । यन्ति । इयम् ।  
वाव । रथन्तरमिति रथं – तरम् । असौ । बृहत् । आभ्याम् । एव ।  
यन्ति । अथो इति । अनयोः । एव । प्रतीति । तिष्ठन्ति । एते इति ।  
वै । यज्ञस्य । अञ्जसायनी इत्यञ्जसा – अयनी । स्रुती इति ।  
ताभ्याम् । एव । सुवर्गमिति सुवः – गम् । लोकम् । यन्ति ।  
पराञ्चः । वै । एते । सुवर्गमिति सुवः – गम् । लोकम् ।  
अभ्यारोहन्तीत्यभि – आरोहन्ति । ये । पराचीनानि । पृष्ठानि ।

उपयन्तीत्युप – यन्ति । प्रत्यङ् । त्र्यह इति त्रि – अहः । भवति ।  
 प्रत्यवरूढ्या इति प्रति – अवरूढ्यै । अथो इति । प्रतिष्ठित्या इति  
 प्रति-स्थित्यै ( ) । उभयोः । लोकयोः । ऋद्ध्वा । उदिति । तिष्ठन्ति ।  
 चतुर्दशेति चतुः – दश । एताः । तासाम् । याः । दश । दशाक्षरेति  
 दश – अक्षरा । विराडिति वि – राट् । अन्नम् । विराडिति  
 वि – राट् । विराजेति वि – राजा । एव । अन्नाद्यमित्यन्न – अद्यम् ।  
 अवेति । रुन्धते । याः । चतस्रः । चतस्रः । दिशः । दिक्षु । एव ।  
 प्रतीति । तिष्ठन्ति । अतिरान्नावित्यति – रात्रौ । अभितः । भवतः ।  
 परिगृहीत्या इति परि – गृहीत्यै ॥ 13 (81)

(आध्नुवन् त्र्यहाभ्यामस्मिन्थ – सविवधत्वाय – प्रतिष्ठत्या –  
 एकत्रिंशच्च) (A5)

**TS 7.3.6.1**

इन्द्रो वै सदृङ् देवताभिरासीथ् स न व्यावृतमगच्छथ् स  
 प्रजापतिमुपाधावत् तस्मा एतं पञ्चदशरात्रं प्रायच्छत् तमा ऽहरत्  
 तेनायजत ततो वै सो ऽन्याभिर्देवताभि-र्व्यावृतमगच्छद्-य एवं

पद पाठे (वाक्य सहित) – सप्तमकाण्डे – तृतीयः प्रश्नः

वि॒द्वा॒ऽसः॑ पञ्चदश॑रात्र॒मास॑ते व्या॒वृ॒त॒मे॒व पा॒प्म॒ना भ्रा॑तृ॒व्ये॒ण ग॒च्छ॒न्ति॒  
ज्यो॒ति॒गौ॑रा॒यु॒रि॒ति त्र्य॒हो भ॑वती॒यं वा॑व ज्यो॒ति॒र॒न्त॒रि॒क्षं – [ ] 14

**TS 7.3.6.1 - Padam**

इन्द्रः॑ । वै । स॒दृ॒ङ्ङि॒ति स – दृ॒ङ् । दे॒वता॑भिः । आ॒सी॒त् । सः । न ।  
व्या॒वृ॒त॒मि॒ति वि – आ॒वृ॒त॒म् । अ॒ग॒च्छ॒त् । सः । प्र॒जा॒प॒ति॒मि॒ति  
प्र॒जा – प॒ति॒म् । उ॒पे॒ति । अ॒धा॒व॒त् । तस्मै॑ । ए॒त॒म् ।  
पञ्च॑दश॒रात्र॑मि॒ति पञ्च॑दश – रा॒त्र॒म् । प्रे॒ति । अ॒य॒च्छ॒त् । त॒म् । ए॒ति ।  
अ॒हर॑त् । ते॒न । अ॒य॒ज॒त । ततः॑ । वै । सः । अ॒न्या॑भिः । दे॒वता॑भिः ।  
व्या॒वृ॒त॒मि॒ति वि – आ॒वृ॒त॒म् । अ॒ग॒च्छ॒त् । ये । ए॒व॒म् । वि॒द्वा॒ऽसः॑ ।  
पञ्च॑दश॒रात्र॑मि॒ति पञ्च॑दश – रा॒त्र॒म् । आ॒स॒ते । व्या॒वृ॒त॒मि॒ति  
वि – आ॒वृ॒त॒म् । ए॒व । पा॒प्म॒ना । भ्रा॑तृ॒व्ये॒ण । ग॒च्छ॒न्ति॒ । ज्यो॒तिः॑ ।  
गौः॑ । आ॒युः॑ । इ॒ति । त्र्य॒ह इ॒ति त्रि – अ॒हः॑ । भ॒व॒ति॒ । इ॒य॒म् ।  
वा॒व । ज्यो॒तिः॑ । अ॒न्त॒रि॒क्ष॒म् । 14 (50)

**TS 7.3.6.2**

गौ॒रसा॑वा॒यु॒रे॒ष्वे॒व लो॒केषु॑ प्र॒ति तिष्ठ॑न्त्य॒स॒त्रं वा॑ ए॒तद् – यद॑च्छ॒न्दो॒मं  
य॑च्छ॒न्दो॒मा भ॑वन्ति॒ ते॒न स॒त्रं दे॒वता॑ ए॒व पृ॒ष्ठै॒रव॑ रुन्धते

प॒शू॒ञ्छ॒न्दो॒मैरो॒जो॒ वै वी॒र्यं॑ पृ॒ष्ठानि॑ प॒शवः॑ छ॒न्दो॒मा ओज॑स्येव वी॒र्यं॑  
प॒शुषु॑ प्रति तिष्ठन्ति पञ्चदशरात्रो भवति पञ्चदशो वज्रो वज्रमेव  
भ्रातृ॑व्येभ्यः प्र हरन्त्यतिरात्रावभितो भवत इन्द्रियस्य ( )

परिगृहीत्यै ॥ 15

**TS 7.3.6.2 - Padam**

गौः । असौ । आयुः । एषु । एव । लोकेषु । प्रतीति । तिष्ठन्ति ।  
असन्नम् । वै । एतत् । यत् । अछन्दोममित्यछन्दः – मम् । यत् ।  
छन्दोमा इति छन्दः – माः । भवन्ति । तेन । सन्नम् । देवताः । एव ।  
पृष्ठैः । अवेति । रुन्धते । पशून् । छन्दोमैरिति छन्दः – मैः । ओजः ।  
वै । वीर्यम् । पृष्ठानि । पशवः । छन्दोमा इति छन्दः – माः ।  
ओजसि । एव । वीर्यं । पशुषु । प्रतीति । तिष्ठन्ति । पञ्चदशरात्र  
इति पञ्चदश – रात्रः । भवति । पञ्चदश इति पञ्च – दशः ।  
वज्रः । वज्रम् । एव । भ्रातृव्येभ्यः । प्रेति । हरन्ति ।  
अतिरात्रावित्यति – रात्रौ । अभितः । भवतः । इन्द्रियस्य ( ) ।  
परिगृहीत्या इति परि – गृहीत्यै ॥ 15 (51)

(अ॒न्तरि॑क्ष-मि॒न्द्रिय॑स्यै-कञ्च) (A6)

**TS 7.3.7.1**

इन्द्रो॑ वै शिथि॒ल इ॒वाप्र॑तिष्ठित आसी॒त् सो ऽसुरे॑भ्यो ऽबिभे॒त् स  
प्रजा॑पतिमुपाधावत् तस्मा॑ ए॒तं पञ्च॑दशरा॒त्रं वज्रं॑ प्रायच्छत्  
तेना॑सुरान् परा॒भाव्य॑ विजित्य श्रियमगच्छदग्निष्टु॒ता पा॒प्मानं॑ निरदहत  
पञ्च॑दशरा॒त्रेणौजो॑ बलमिन्द्रियं वी॒र्यमा॑त्मन्नधत्त य एवं वि॒द्वा॒ऽसः  
पञ्च॑दशरा॒त्रमास॑ते भ्रातृ॒व्याने॒व परा॒भाव्य॑ विजित्य श्रियं  
गच्छन्त्यग्निष्टु॒ता पा॒प्मानं॑ नि - [ ] 16

**TS 7.3.7.1 - Padam**

इन्द्रः॑ । वै । शिथि॒लः । इ॒व । अप्र॑तिष्ठित इत्यप्रति - स्थितः॑ ।  
आसी॑त् । सः । असुरे॑भ्यः । अबि॒भेत् । सः ।  
प्रजा॑पतिमिति प्रजा - पतिम् । उपेति॑ । अधा॒वत् । तस्मै॑ । ए॒तम् ।  
पञ्च॑दशरा॒त्रमिति॑ पञ्चदश - रा॒त्रम् । वज्र॑म् । प्रेति॑ । अ॒यच्छत् ।  
तेन॑ । असुरान् । परा॒भाव्येति॑ परा - भाव्य । विजित्येति॑ वि-जित्य ।  
श्रिय॑म् । अ॒गच्छत् । अग्नि॑ष्टुतेत्यग्नि - स्तु॒ता । पा॒प्मानम् । निरि॑ति ।  
अद॑हत । पञ्च॑दशरा॒त्रेणेति॑ पञ्चदश - रा॒त्रेण॑ । ओजः॑ । बल॑म् ।

इन्द्रियम् । वीर्यम् । आत्मन् । अधत्त । ये । एवम् । विद्वांसः ।  
 पञ्चदशरात्रमिति पञ्चदश – रात्रम् । आसते । भ्रातृव्यान् । एव ।  
 पराभावेति परा – भाव्य । विजित्येति वि – जित्य । श्रियम् ।  
 गच्छन्ति । अग्निष्टुतेत्यग्नि – स्तुता । पाप्मानम् । निरिति । 16 (50)

**TS 7.3.7.2**

दहन्ते पञ्चदशरात्रेणौजो बलमिन्द्रियं वीर्यमात्मन् दधत एता एव  
 पशव्याः पञ्चदश वा अर्द्धमासस्य रात्रयो ऽर्द्धमासशः सँवथ्सर  
 आप्यते सँवथ्सरं पशवो ऽनु प्र जायन्ते तस्मात् पशव्या एता एव  
 सुवर्ग्याः पञ्चदश वा अर्द्धमासस्य रात्रयो ऽर्द्धमासशः सँवथ्सर  
 आप्यते सँवथ्सरः सुवर्गो लोकस्तस्मात् सुवर्ग्या ज्योतिर्गौरायुरिति  
 त्र्यहो भवतीयं वाव ज्योतिरन्तरिक्षं – [ ] 17

**TS 7.3.7.2 - Padam**

दहन्ते । पञ्चदशरात्रेणेति पञ्चदश – रात्रेण । ओजः । बलम् ।  
 इन्द्रियम् । वीर्यम् । आत्मन् । दधते । एताः । एव । पशव्याः ।  
 पञ्चदशेति पञ्च – दश । वै । अर्द्धमासस्येत्यर्द्ध – मासस्य ।

पद पाठे (वाक्य सहित) – सप्तमकाण्डे – तृतीयः प्रश्नः

रात्रयः । अर्द्धमासश इत्यर्द्धमास – शः ।

सँवथ्सर इति सं-वथ्सरः । आप्यते । सँवथ्सरमिति सं-वथ्सरम् ।

पशवः । अनु । प्रेति । जायन्ते । तस्मात् । पशव्याः । एताः । एव ।

सुवर्ग्या इति सुवः – ग्याः । पञ्चदशेति पञ्च – दश । वै ।

अर्द्धमासस्येत्यर्द्ध – मासस्य । रात्रयः ।

अर्द्धमासश इत्यर्द्धमास – शः । सँवथ्सर इति सं – वथ्सरः ।

आप्यते । सँवथ्सर इति सं – वथ्सरः । सुवर्ग इति सुवः – गः ।

लोकः । तस्मात् । सुवर्ग्या इति सुवः – ग्याः ।

ज्योतिः । गौः । आयुः । इति । त्र्यह इति त्रि – अहः । भवति ।

इयम् । वाव । ज्योतिः । अन्तरिक्षम् । 17 (50)

**TS 7.3.7.3**

गौरसावायुरिमानेव लोकानभ्यारोहन्ति यदन्यतः पृष्ठानि स्युर्विविधः

स्यान्मद्ध्ये पृष्ठानि भवन्ति सविवधत्वायौजो वै वीर्यं पृष्ठान्योज एव

वीर्यं मद्ध्यतो दधते बृहद्रथन्तराभ्यां यन्तीयं वाव रथन्तरमसौ



बृ॒हदा॒भ्यामे॒व य॒न्त्यथो॑ अ॒नयो॑रे॒व प्रति॑ तिष्ठन्त्ये॒ते वै य॒ज्ञस्या॑ञ्ज॒साय॑नी  
स्रु॒ती ता॒भ्यामे॒व सु॒वर्गं॑ लो॒कं - [ ] 18

**TS 7.3.7.3 - Padam**

गौः । अ॒सौ । आ॒युः । इ॒मान् । ए॒व । लो॒कान् ।  
अ॒भ्यारो॑ह॒न्तीत्य॑भि - आ॒रोह॑न्ति । यत् । अ॒न्यतः॑ । पृ॒ष्ठानि॑ । स्युः ।  
वि॒वि॒वध॑मि॒ति वि - वि॒वध॑म् । स्यात् । म॒द्ध्ये॑ । पृ॒ष्ठानि॑ । भ॒वन्ति॑ ।  
स॒वि॒वध॑त्वाये॒ति स॒वि॒वध - त्वाय॑ । ओ॒जः । वै । वी॒र्य॑म् । पृ॒ष्ठानि॑ ।  
ओ॒जः । ए॒व । वी॒र्य॑म् । म॒द्ध्यतः॑ । द॒धते॑ ।  
बृ॒हद्द्र॒थन्तरा॑भ्यामि॒ति बृ॒हत्-र॒थन्तरा॑भ्याम् । य॒न्ति॑ । इ॒यम् । वाव॑ ।  
र॒थन्तर॑मि॒ति रथं - त॒रम् । अ॒सौ । बृ॒हत् ।  
आ॒भ्याम् । ए॒व । य॒न्ति॑ । अथो॒ इति॑ । अ॒नयोः॑ । ए॒व । प्र॒तीति॑ ।  
तिष्ठ॑न्ति । ए॒ते इति॑ । वै । य॒ज्ञस्य॑ ।  
अ॒ञ्ज॒साय॑नी इ॒त्यञ्ज॑सा-अ॒यनी॑ । स्रु॒ती इति॑ । ता॒भ्याम् । ए॒व ।  
सु॒वर्ग॑मि॒ति सु॒वः - ग॒म् । लो॒कम् । 18 (50)

**TS 7.3.7.4**

य॑न्ति॑ परा॒ञ्चो॑ वा ए॒ते सु॒वर्गं॑ लो॒कम॒भ्यारो॑हन्ति॒ ये परा॒चीना॑नि  
 पृ॒ष्ठान्यु॑पयन्ति॒ प्रत्य॑ङ् त्र्य॒हो भ॑वति॒ प्रत्य॑वरूढ्या॒ अथो॑ प्रति॒ष्ठित्या॑  
 उ॒भयो॑र्लो॒कयो॑र् ऋ॒द्ध्वोत् ति॑ष्ठन्ति॒ पञ्च॑दशै॒तास्ता॑सां॒ या द॑श  
 द॒शाक्ष॑रा वि॒राडन्नं॑ वि॒राड् वि॒राजै॑वान्नाद्य॒मव॑ रुन्धते॒ याः पञ्च॑  
 पञ्च॑ दि॒शो दि॒क्ष्वेव॑ प्रति॒ तिष्ठ॑न्त्यति॒रात्रा॑व॒भितो॑ भवत॒ इन्द्रि॑यस्य  
 वी॒र्य॑स्य प्र॒जायै॑ ( ) प॒शूनां॑ परि॒गृही॑त्यै ॥ 19

**TS 7.3.7.4 - Padam**

य॑न्ति । परा॒ञ्चः । वै । ए॒ते । सु॒वर्ग॑मिति॒ सुवः॑ – गम् । लो॒कम् ।  
 अ॒भ्यारो॑हन्तीत्यभि – आ॒रोह॑न्ति । ये । परा॒चीना॑नि । पृ॒ष्ठानि॑ ।  
 उ॒पय॑न्तीत्युप – यन्ति॑ । प्र॒त्यङ् । त्र्य॒ह इति॑ त्रि – अ॒हः । भ॒वति॑ ।  
 प्र॒त्यव॑रूढ्या इति॒ प्रति – अ॒वरू॑ढ्यै । अथो॑ इति॒ प्रति॑ष्ठित्या इति॒  
 प्रति – स्थि॑त्यै । उ॒भयोः॑ । लो॒कयोः॑ । ऋ॒द्ध्वा । उ॒दिति॑ । ति॒ष्ठन्ति॑ ।  
 पञ्च॑दशेति॒ पञ्च – द॒श । ए॒ताः । ता॑साम् । याः । द॒श ।  
 द॒शाक्ष॑रेति॒ दश – अ॒क्षरा॑ । वि॒राडिति॑ वि – राट् । अ॒न्नम् ।  
 वि॒राडिति॑ वि – राट् । वि॒राजे॑ति वि – राजा॑ । ए॒व ।

अ॒न्नाद्य॒मित्य॑न्न – अद्य॑म् । अ॒वेति॑ । रु॒न्ध॒ते । याः । पञ्च॑ । पञ्च॑ ।  
दि॒शः । दि॒क्षु । ए॒व । प्र॒तीति॑ । ति॒ष्ठन्ति॑ । अ॒ति॒रा॒त्रा॒वित्य॑ति – रा॒त्रौ ।  
अ॒भितः॑ । भ॒वतः॑ । इ॒न्द्रि॒यस्य॑ । वी॒र्य॑स्य । प्र॒जाया॑ इति॑  
प्र – जा॒यै ( ) । प॒शूना॑म् । परि॑गृहीत्या इति॑ परि – गृही॒त्यै ॥ 19

(52) (ग॒च्छ॒न्त्यग्नि॑ष्टुता॑ पा॒प्मानं॑ नि॒रन्तरि॑क्षं – लो॒कं – प्र॒जायै॑ –  
द्वे च) (A7)

**TS 7.3.8.1**

प्र॒जाप॑ति-र॒काम॑यतान्नादः॑ स्या॒मिति॑ स ए॒तञ् स॑प्तद॒शरा॑त्र-म॒पश्य॑त्  
तमा॑ ऽह॒रत् ते॑नाय॒जत॑ ततो॒ वै सो॑ ऽन्नादो॑ ऽभवद्-य॑ एवं॑ वि॒द्वाञ् सः॑  
स॒प्तद॑शरा॒त्र-मा॑सते ऽन्नादा॑ ए॒व भ॑वन्ति पञ्चा॒हो भ॑वति॒ पञ्च॑ वा  
ऋ॒तवः॑ सँव॒थ्सर॑ ऋ॒तुष्वे॒व सँव॑थ्सरे प्रति॑ ति॒ष्ठन्त्यथो॑ पञ्चा॒क्षरा॑  
प॒ङ्क्तिः॑ पा॒ङ्क्तौ य॒ज्ञो य॒ज्ञमे॒वाव॑ रु॒न्ध॒ते ऽस॑त्रं वा ए॒तद् – [ ] 20

**TS 7.3.8.1 - Padam**

प्र॒जाप॑तिरिति॑ प्र॒जा – प॒तिः । अ॒काम॑यत । अ॒न्नाद॑ इत्य॒न्न – अ॒दः ।  
स्या॑म् । इति॑ । सः । ए॒तम् । स॒प्तद॑शरा॒त्रमिति॑ स॒प्तद॑श – रा॒त्रम् ।

पद पाठे (वाक्य सहित) – सप्तमकाण्डे – तृतीयः प्रश्नः

अपश्यत् । तम् । एति । अहरत् । तेन । अयजत् । ततः । वै ।  
सः । अन्नाद इत्यन्न – अदः । अभवत् । ये । एवम् । विद्वांसः ।  
सप्तदशरात्रमिति सप्तदश-रात्रम् । आसते । अन्नादा इत्यन्न-अदाः ।  
एव । भवन्ति । पञ्चाह इति पञ्च – अहः । भवति । पञ्च । वै ।  
ऋतवः । सँवथ्सर इति सं – वथ्सरः । ऋतुषु । एव ।  
सँवथ्सर इति सं – वथ्सरे । प्रतीति । तिष्ठन्ति । अथो इति ।  
पञ्चाक्षरेति पञ्च – अक्षरा । पङ्क्तिः । पाङ्क्तिः । यज्ञः । यज्ञम् । एव ।  
अवेति । रुन्धते । असत्रम् । वै । एतत् । 20 (50)

**TS 7.3.8.2**

यदछन्दोमं यच्छन्दोमा भवन्ति तेन सत्रं देवता एव पृष्ठैरव  
रुन्धते पशूञ्छन्दोमैरोजो वै वीर्यं पृष्ठानि पशवः छन्दोमा ओजस्येव  
वीर्यं पशुषु प्रति तिष्ठन्ति सप्तदशरात्रो भवति सप्तदशः प्रजापतिः  
प्रजापतेराप्त्या अतिरात्रावभितो भवतो ऽन्नाद्यस्य परिगृहीत्यै ॥ 21

**TS 7.3.8.2 - Padam**

यत् । अछन्दोममित्यछन्दः-मम् । यत् । छन्दोमा इति छन्दः – माः ।  
भवन्ति । तेन । सत्रम् । देवताः । एव । पृष्ठैः । अवेति । रुन्धते ।

प॒शून् । छ॒न्दो॒मैरि॑ति॒ छन्दः॑ – मैः । ओजः॑ । वै । वी॒र्य॑म् । पृ॒ष्ठानि॑ ।  
 प॒शवः॑ । छ॒न्दो॒मा इति॑ छन्दः – माः । ओज॑सि । ए॒व । वी॒र्ये॑ ।  
 प॒शुषु॑ । प्र॒तीति॑ । ति॒ष्ठन्ति॑ । स॒प्तद॑श॒रात्र॑ इति॑ सप्तदश – रा॒त्रः ।  
 भ॒वति॑ । स॒प्तद॑श इति॑ सप्त – द॒शः । प्र॒जाप॑तिरि॒ति प्र॒जा-प॑तिः ।  
 प्र॒जाप॑तेरि॒ति प्र॒जा – प॑तेः । आप्॒त्यै॑ । अ॒तिरा॑त्रा॒वित्य॑ति – रा॒त्रौ ।  
 अ॒भितः॑ । भ॒वतः॑ । अ॒न्नाद्य॑स्येत्यन्न – अद्य॑स्य । परि॑गृहीत्या इति॑  
 परि – गृ॒हीत्यै॑ ॥ 21 (37) (ए॒तथ् – स॒प्तत्रिं॑शच्च) (A8)

**TS 7.3.9.1**

सा वि॒राड् वि॒क्रम्या॑तिष्ठद्-ब्र॒ह्मणा॑ दे॒वेष्व॑न्नेना-सु॒रेषु॑ ते दे॒वा  
 अ॒काम॑यन्तो॒भय॑ञ् सं वृ॑ञ्जीमहि॒ ब्रह्म॑ चान्नं॒ चेति॑ त ए॒ता  
 वि॑ञ्शतिञ् रा॒त्रीर॑पश्यन् ततो॒ वै त उ॒भय॑ञ् सम॑वृञ्जत॒ ब्रह्म॑  
 चान्नं॑ च ब्रह्म॒वर्च॑सिना॒ ऽन्नादा॑ अभ॒वन् । य ए॒वं वि॒द्वाञ् स ए॒ता  
 आ॒सत॑ उ॒भय॑मे॒व सँ वृ॑ञ्जते॒ ब्रह्म॑ चान्नं॑ च – [ ] 22

पद पाठे (वाक्य सहित) – सप्तमकाण्डे – तृतीयः प्रश्नः

**TS 7.3.9.1 - Padam**

सा । वि॒राडि॑ति वि – राट् । वि॒क्रम्ये॑ति वि – क्र॒म्य । अ॒ति॒ष्ठत् ।  
ब्र॒ह्म॑णा । दे॒वेषु॑ । अ॒न्नेन॑ । अ॒सुरेषु॑ । ते । दे॒वाः । अ॒का॒म॒य॒न्त ।  
उ॒भय॑म् ॥ स॒मि॒ति॑ । वृ॒ञ्जी॒महि॑ ॥ ब्र॒ह्म । च॒ । अ॒न्नम् । च॒ । इति॑ ।  
ते । ए॒ताः । वि॒ंश॑तिम् । रा॒त्रीः ॥ अ॒प॒श्य॒न् । ततः॑ । वै । ते ।  
उ॒भय॑म् ॥ स॒मि॒ति॑ । अ॒वृ॒ञ्ज॒त । ब्र॒ह्म । च॒ । अ॒न्नम् । च॒ ।  
ब्र॒ह्म॒वर्च॑सि॒न इति॑ ब्र॒ह्म – वर्च॑सि॒नः । अ॒न्ना॒दा इत्य॑न्न – अ॒दाः ।  
अ॒भ॒व॒न् । ये । ए॒वम् । वि॒द्वाँ॒सः । ए॒ताः । आ॒स॒ते । उ॒भय॑म् ।  
ए॒व । स॒मि॒ति॑ । वृ॒ञ्ज॒ते । ब्र॒ह्म । च॒ । अ॒न्नम् । च॒ । 22 (50)

**TS 7.3.9.2**

ब्र॒ह्म॒वर्च॑सि॒नो ऽन्ना॒दा भ॑वन्ति॒ द्वे वा ए॒ते वि॒राजौ॑ तयो॒रेव॑ ना॒ना प्र॑ति  
ति॒ष्ठन्ति॑ वि॒ंशो॑ वै पु॒रुषो॑ द॒श ह॑स्त्या अ॒ङ्गु॒लयो॑ द॒श प॒द्या या॒वा॒ने॒व  
पु॒रुष॑स्त॒माप्त्वो॑त् ति॒ष्ठन्ति॑ ज्योति॒र्गौरा॑यु॒रिति॑ त्र्य॒हा भ॑वन्ती॒यं वा॑व  
ज्योति॑र॒न्तरि॑क्षं गौर॒सावा॑यु॒रिमा॑ने॒व लो॒का-न॑भ्या॒रोह॑न्त्यभि॒पूर्वं  
त्र्य॒हा भ॑वन्त्यभि॒पूर्वमे॒व सु॒वर्गं॑ – [ ] 23

**TS 7.3.9.2 - Padam**

ब्रह्मवर्चसिन इति ब्रह्म – वर्चसिनः । अन्नादा इत्यन्न – अदाः ।  
भवन्ति । द्वे इति । वै । एते इति । विराजाविति वि-राजौ ॥ तयोः ॥  
एव । नाना ॥ प्रतीति । तिष्ठन्ति । वि॒शः । वै । पुरुषः । दश ।  
हस्त्याः ॥ अङ्गुलयः । दश । पद्याः । यावान् । एव । पुरुषः । तम् ।  
आप्त्वा । उदिति । तिष्ठन्ति । ज्योतिः । गौः । आयुः । इति । त्र्यहा  
इति त्रि – अहाः । भवन्ति । इयम् । वाव । ज्योतिः । अन्तरिक्षम् ।  
गौः । असौ । आयुः । इमान् । एव । लोकान् ।  
अभ्यारोहन्तीत्यभि – आरोहन्ति । अभिपूर्वमित्यभि – पूर्वम् ।  
त्र्यहा इति त्रि – अहाः । भवन्ति । अभिपूर्वमित्यभि – पूर्वम् ।  
एव । सुवर्गमिति सुवः – गम् । 23 (50)

**TS 7.3.9.3**

लोकमभ्यारोहन्ति यदन्यतः पृष्ठानि स्युर्विविधं स्यान्मद्ध्ये  
पृष्ठानि भवन्ति सविवधत्वायौजो वै वीर्यं पृष्ठान्योज एव वीर्यं  
मद्ध्यतो दधते बृहद्रथन्तराभ्यां यन्तीयं वाव रथन्तरमसौ

पद पाठे (वाक्य सहित) – सप्तमकाण्डे – तृतीयः प्रश्नः

बृ॒हदा॒भ्यामे॒व य॒न्त्यथो॑ अनयो॒रेव॑ प्रति॒ तिष्ठ॑न्त्येते॒ वै  
य॒ज्ञस्याञ्ज॑सायनी॒ सु॒ती ता॒भ्यामे॒व सु॒वर्गं॑ लो॒कं य॑न्ति॒ पराञ्चो॑  
वा ए॒ते सु॒वर्गं॑ ( ) लो॒कम॒भ्यारो॑हन्ति॒ ये परा॑ची॒नानि॑ पृ॒ष्ठान्यु॑पयन्ति॒  
प्र॒त्यङ् त्र्य॒हो भ॑वति॒ प्र॒त्यवरू॑ढ्या॒ अथो॑ प्रति॒ष्ठित्या॑ उ॒भयो॑र्लो॒कयो॑र्.  
ऋ॒द्ध्वोत् तिष्ठ॑न्त्यति॒रात्रा॒वभितो॑ भवतो॒ ब्रह्म॑वर्च॒सस्या॒न्नाद्य॑स्य  
परि॑गृहीत्यै ॥ 24

**TS 7.3.9.3 - Padam**

लो॒कम् । अ॒भ्यारो॑हन्तीत्य॒भि-आ॑रोहन्ति । यत् । अ॒न्यतः॑ । पृ॒ष्ठानि॑ ।  
स्युः । वि॒विव॑धमि॒ति वि - वि॒वध॑म् । स्यात् । म॒द्ध्यै॑ । पृ॒ष्ठानि॑ ।  
भ॒वन्ति॑ । स॒वि॒वध॑त्वायेति॒ सवि॑वध - त्वाय । ओ॒जः । वै । वी॒र्य॑म् ।  
पृ॒ष्ठानि॑ । ओ॒जः । ए॒व । वी॒र्य॑म् । म॒द्ध्यतः॑ । द॒धते॑ ।  
बृ॒हद्र॑थन्तरा॒भ्यामि॑ति॒ बृहत् - र॑थन्तरा॒भ्याम् । य॒न्ति॑ । इ॒यम् । वा॒व ।  
र॒थन्तर॑मि॒ति रथं - तर॑म् । अ॒सौ । बृ॒हत् । आ॒भ्याम् । ए॒व । य॒न्ति॑ ।  
अथो॒ इति॑ । अ॒नयोः॑ । ए॒व । प्र॒तीति॑ । ति॒ष्ठन्ति॑ । ए॒ते इति॑ । वै ।  
य॒ज्ञस्य॑ । अ॒ञ्ज॒साय॑नी॒ इत्यञ्ज॑सा - अ॒यनी॑ । सु॒ती इति॑ ।



ताभ्याम्॑ । ए॒व । सु॒व॒र्ग॑मि॒ति॒ सु॒वः॑ – ग॒म् । लो॒क॒म् । य॒न्ति॑ ।  
 परा॑ञ्चः । वै । ए॒ते । सु॒व॒र्ग॑मि॒ति॒ सु॒वः॑ – ग॒म् ( ) । लो॒क॒म् ।  
 अ॒भ्या॒रो॒ह॑न्तीत्य॒भि – आ॒रो॒ह॑न्ति । ये । प॒रा॒ची॒ना॒नि । पृ॒ष्ठानि॑ ।  
 उ॒प॒य॒न्ती॑त्यु॒प – य॒न्ति॑ । प्र॒त्य॒ङ् । त्र्य॒ह इति॑ त्रि – अ॒हः । भ॒व॒ति॑ ।  
 प्र॒त्य॒व॒रू॒ढ्या इति॑ प्र॒ति – अ॒व॒रू॒ढ्यै । अथो॑ इति॑ । प्र॒ति॒ष्ठि॒त्या इति॑  
 प्र॒ति – स्थि॒त्यै । उ॒भयोः॑ । लो॒कयोः॑ । ऋ॒द्ध्वा । उ॒दि॒ति॑ । ति॒ष्ठन्ति॑ ।  
 अ॒ति॒रा॒त्रा॒वि॒त्य॒ति – रा॒त्रौ । अ॒भि॒तः । भ॒व॒तः । ब्र॒ह्म॒व॒र्च॒स॒स्येति॑  
 ब्र॒ह्म – व॒र्च॒स॒स्य॑ । अ॒न्ना॒द्य॒स्ये॒त्य॒न्न – अ॒द्य॒स्य॑ ।  
 परि॑गृहीत्या इति॑ परि – गृ॒ही॒त्यै ॥ 24 (73) (वृ॒ञ्ज॒ते ब्र॒ह्म चां नं च  
 – सु॒व॒र्ग – मे॒ते सु॒व॒र्ग – त्रयो॑वि॒ंश॒तिश्च) (A9)

**TS 7.3.10.1**

अ॒सा॒वा॒दि॒त्यो ऽस्मिन्॑ लो॒क आ॑सीत् तं दे॒वाः पृ॒ष्ठैः॑ परि॒गृ॒ह्य सु॒व॒र्गं  
 लो॒क॒म॒ग॒म॒यन्॑ परै॒र॒व॒स्तात्॑ पर्य॒गृ॒ह्णन्॑ दि॒वा॒की॒र्त्ये॒न सु॒व॒र्गे लो॒के  
 प्र॒त्य॒स्था॒प॒यन्॑ परैः॑ प॒र॒स्तात्॑ पर्य॒गृ॒ह्णन्॑ पृ॒ष्ठैरु॒पा॒वा॒रो॒ह॒न्थ् स वा  
 अ॒सा॒वा॒दि॒त्यो ऽमु॒ष्मिन्॑ लो॒के परै॑रु॒भ॒य॒तः परि॑गृहीतो यत् पृ॒ष्ठानि॑

पद पाठे (वाक्य सहित) – सप्तमकाण्डे – तृतीयः प्रश्नः

भवन्ति सुवर्गमेव तैर्लोकं यजमाना यन्ति परैरवस्तात् परि गृह्णन्ति

दिवाकीर्त्येन – [ ] 25

**TS 7.3.10.1 - Padam**

असौ । आदित्यः । अस्मिन् । लोके । आसीत् । तम् । देवाः ।  
पृष्ठैः । परिगृह्येति परि – गृह्य । सुवर्गमिति सुवः – गम् । लोकम् ।  
अगमयन् । परैः । अवस्तात् । परीति । अगृह्णन् ।  
दिवाकीर्त्येनेति दिवा – कीर्त्येन । सुवर्ग इति सुवः – गे । लोके ।  
प्रतीति । अस्थापयन् । परैः । परस्तात् । परीति । अगृह्णन् । पृष्ठैः ।  
उपावारोहन्नित्युप – अवारोहन् । सः । वै । असौ । आदित्यः ।  
अमुष्मिन् । लोके । परैः । उभयतः । परिगृहीत इति परि-गृहीतः ।  
यत् । पृष्ठानि । भवन्ति । सुवर्गमिति सुवः – गम् । एव । तैः ।  
लोकम् । यजमानाः । यन्ति । परैः । अवस्तात् । परीति । गृह्णन्ति ।  
दिवाकीर्त्येनेति दिवा – कीर्त्येन । 25 (50)

**TS 7.3.10.2**

सुवर्गे लोके प्रति तिष्ठन्ति परैः परस्तात् परि गृह्णन्ति पृष्ठैरुपावरोहन्ति  
यत् परै परस्तान्न स्युः पराञ्चः सुवर्गा-ल्लोकान्निष्पद्येरन् ।

यदवस्तान्न स्युः प्रजा निर्दहेयुरभितो दिवाकीर्त्यं परस्सामानो भवन्ति  
सुवर्ग एवैनान् लोक उभयतः परि गृह्णन्ति यजमाना वै दिवाकीर्त्यं  
सँवत्सरः परस्सामानो ऽभितो दिवाकीर्त्यं परस्सामानो भवन्ति

सँवत्सर एवोभयतः – [ ] 26

**TS 7.3.10.2 - Padam**

सुवर्ग इति सुवः-गे । लोके । प्रतीति । तिष्ठन्ति । परैः । परस्तात् ।  
परीति । गृह्णन्ति । पृष्ठैः । उपावरोहन्तीत्युप – अवरोहन्ति । यत् ।  
परैः । परस्तात् । न । स्युः । पराञ्चः । सुवर्गादिति सुवः – गात् ।  
लोकात् । निरिति । पद्ये रन् । यत् । अवस्तात् । न । स्युः ।  
प्रजा इति प्र – जाः । निरिति । दहेयुः । अभितः । दिवाकीर्त्यमिति  
दिवा – कीर्त्यम् । परस्सामान इति परः – सामानः । भवन्ति ।  
सुवर्ग इति सुवः – गे । एव । एनान् । लोके । उभयतः । परीति ।  
गृह्णन्ति । यजमानाः । वै । दिवाकीर्त्यमिति दिवा – कीर्त्यम् ।  
सँवत्सर इति सं – वत्सरः । परस्सामान इति परः – सामानः ।  
अभितः । दिवाकीर्त्यमिति दिवा – कीर्त्यम् । परस्सामान इति

पद पाठे (वाक्य सहित) – सप्तमकाण्डे – तृतीयः प्रश्नः

परः – सामानः । भवन्ति । सँवथ्सर इति सं – वथ्सरे । एव ।

उभयतः । 26 (50)

**TS 7.3.10.3**

प्रति तिष्ठन्ति पृष्ठं वै दिवाकीर्त्यं पार्श्वे परस्सामानो ऽभितो  
दिवाकीर्त्यं परस्सामानो भवन्ति तस्मादभितः पृष्ठं पार्श्वे  
भूयिष्ठा ग्रहा गृह्यन्ते भूयिष्ठञ् शस्यते यज्ञस्यैव तन्मद्ध्यतो  
ग्रन्थिं ग्रथन्त्यविस्रञ्साय सप्त गृह्यन्ते सप्त वै शीर्षण्याः  
प्राणाः प्राणानेव यजमानेषु दधति यत् पराचीनानि पृष्ठानि  
भवन्त्यमुमेव तै-लोकमभ्यारोहन्ति यदिमं लोकं न – [ ] 27

**TS 7.3.10.3 - Padam**

प्रतीति । तिष्ठन्ति । पृष्ठम् । वै । दिवाकीर्त्यमिति दिवा – कीर्त्यम् ।  
पार्श्वे इति । परस्सामान इति परः – सामानः । अभितः ।  
दिवाकीर्त्यमिति दिवा – कीर्त्यम् । परस्सामान इति परः-सामानः ।  
भवन्ति । तस्मात् । अभितः । पृष्ठम् । पार्श्वे इति । भूयिष्ठाः । ग्रहाः ।  
गृह्यन्ते । भूयिष्ठम् । शस्यते । यज्ञस्य । एव । तत् । मद्ध्यतः ।  
ग्रन्थिम् । ग्रथन्ति । अविस्रञ्सायेत्यवि – स्रञ्साय । सप्त ।

गृह्यन्ते । सप्त । वै । शीर्षण्याः ॥ प्राणा इति प्र – अनाः ।  
 प्राणानिति प्र – अनान् । एव । यजमानेषु । दधति । यत् ।  
 पराचीनानि । पृष्ठानि । भवन्ति । अमुम् । एव । तैः । लोकम् ।  
 अभ्यारोहन्तीत्यभि-आरोहन्ति । यत् । इमम् । लोकम् । न । 27 (50)

**TS 7.3.10.4**

प्रत्यव-रोहेयुरुद्-वा माद्येयुर्यजमानाः प्र वा मीयेरन् । यत् प्रतीचीनानि  
 पृष्ठानि भवन्तीममेव तैर्लोकं प्रत्यवरोहन्त्यथो अस्मिन्नेव लोके प्रति  
 तिष्ठन्त्यनुन्मादायेन्द्रो वा अप्रतिष्ठित आसीथ् स प्रजापति-मुपाधावत्  
 तस्मा एतमेकविंशतिरात्रं प्रायच्छत् तमा ऽहरत् तेनायजत ततो वै  
 स प्रत्यतिष्ठद्-ये बहुयाजिनो ऽप्रतिष्ठिताः – [ ] 28

**TS 7.3.10.4 - Padam**

प्रत्यवरोहेयुरिति प्रति – अवरोहेयुः । उदिति । वा । माद्येयुः ।  
 यजमानाः । प्रेति । वा । मीयेरन् । यत् । प्रतीचीनानि । पृष्ठानि ।  
 भवन्ति । इमम् । एव । तैः । लोकम् । प्रत्यवरोहन्तीति  
 प्रति – अवरोहन्ति । अथो इति । अस्मिन् । एव । लोके । प्रतीति ।

पद पाठे (वाक्य सहित) – सप्तमकाण्डे – तृतीयः प्रश्नः

तिष्ठन्ति । अनुन्मादायेत्यनुत् – मादाय । इन्द्रः । वै । अप्रतिष्ठित  
इत्यप्रति – स्थितः । आसीत् । सः । प्रजापतिमिति प्रजा-पतिम् ।  
उपेति । अधावत् । तस्मै । एतम् ।

एकविंशतिरात्रमित्येकविंशति – रात्रम् । प्रेति । अयच्छत् । तम् ।  
एति । अहरत् । तेन । अयजत । ततः । वै । सः । प्रतीति ।

अतिष्ठत् । ये । बहुयाजिन इति बहु – याजिनः ।

अप्रतिष्ठिता इत्यप्रति – स्थिताः । 28 (50)

**TS 7.3.10.5**

स्युस्त एकविंशतिरात्र-मासीरन् द्वादश मासाः पञ्चर्तवस्त्रय इमे  
लोका असावादित्य एकविंश एतावन्तो वै देवलोकास्तेष्वेव  
यथापूर्वं प्रति तिष्ठन्त्यसावादित्यो न व्यरोचत स प्रजापतिमुपाधावत्  
तस्मा एतमेकविंशतिरात्रं प्रायच्छत् तमा ऽहरत् तेनायजत ततो वै  
सो ऽरोचत य एवं विद्वांस एकविंशतिरात्रमासते ( ) रोचन्त  
एवैकविंशतिरात्रो भवति रुग्वा एकविंशो रुचमेव गच्छन्त्यथौ

प्रतिष्ठा॑मे॒व प्रतिष्ठा॑ ह्ये॒कवि॑ञ्शो॑ ऽतिरा॒त्राव॑भितो॑ भवतो ब्रह्मवर्च॑सस्य॒  
परि॑गृहीत्यै ॥ 29

**TS 7.3.10.5 - Padam**

स्युः । ते । एक॑वि॒ञ्शति॑रा॒त्रमित्ये॑कवि॒ञ्शति॑ – रा॒त्रम् । आ॒सी॒रन् ।  
द्वाद॑श । मा॒साः । पञ्च॑ । ऋ॒तवः॑ । त्रयः॑ । इ॒मे । लो॒काः । अ॒सौ ।  
आ॒दि॒त्यः । एक॑वि॒ञ्श इत्ये॑क – वि॒ञ्शः । ए॒ताव॑न्तः । वै ।  
दे॒वलो॒का इति॑ दे॒व – लो॒काः । तेषु॑ । ए॒व । यथा॑पूर्वमि॒ति  
यथा॑ – पूर्॒वम् । प्र॒तीति॑ । तिष्ठ॑न्ति । अ॒सौ । आ॒दि॒त्यः । न । वी॒ति ।  
अ॒रो॒चत॑ । सः । प्र॒जाप॑तिमि॒ति प्र॒जा – प॒तिम् । उ॒पेति॑ । अ॒धा॒वत् ।  
तस्मै॑ । ए॒तम् । एक॑वि॒ञ्शति॑रा॒त्रमित्ये॑कवि॒ञ्शति॑ – रा॒त्रम् । प्रे॒ति ।  
अ॒यच्छ॑त् । तम् । ए॒ति । अ॒हर॑त् । तेन॑ । अ॒यज॑त् । ततः॑ । वै । सः ।  
अ॒रो॒चत॑ । ये । ए॒वम् । वि॒द्वाञ्॑सः ।  
एक॑वि॒ञ्शति॑रा॒त्रमित्ये॑कवि॒ञ्शति॑ – रा॒त्रम् । आ॒सते॑ ( ) । रो॒चन्ते॑ ।  
ए॒व । एक॑वि॒ञ्शति॑रा॒त्र इत्ये॑कवि॒ञ्शति॑ – रा॒त्रः । भ॒वति॑ ।  
रुक् । वै । एक॑वि॒ञ्श इत्ये॑क – वि॒ञ्शः । रु॒चम् । ए॒व ।

पद पाठे (वाक्य सहित) – सप्तमकाण्डे – तृतीयः प्रश्नः

गच्छन्ति । अथो इति । प्रतिष्ठामिति प्रति – स्थाम् । एव ।

प्रतिष्ठेति प्रति – स्था । हि । एकविंश इत्येक – विंशः ।

अतिरात्रावित्यति – रात्रौ । अभितः । भवतः ।

ब्रह्मवर्चसस्येति ब्रह्म – वर्चसस्य ।

परिगृहीत्या इति परि – गृहीत्यै ॥ 29 (71) (गृह्णन्ति दिवाकीर्त्येनै –  
वोभयतो – ना – प्रतिष्ठिता – आसत – एकविंशतिश्च) (A10)

**TS 7.3.11.1**

अर्वाङ् यज्ञः सं क्रामत्वमुष्मादधि मामभि ।

ऋषीणां यः पुरोहितः ॥

निर्देवं निर्वीरं कृत्वा विष्कन्धं तस्मिन्. हीयतां यो ऽस्मान् द्वेष्टि ।

शरीरं यज्ञशमलं कुसीदं तस्मिन्त्सीदतु यो ऽस्मान् द्वेष्टि ॥

यज्ञ यज्ञस्य यत् तेजस्तेन सं क्राम मामभि ।

ब्राह्मणानृत्विजो देवान्. यज्ञस्य तपसा ते सवाहमा हुवे ॥

इष्टेन पक्वमुप – [ ] 30



**TS 7.3.11.1 - Padam**

अ॒र्वाङ् । य॒ज्ञः । स॒मि॒ति॑ । क्रा॒म॒तु॑ । अ॒मुष्मा॑त् । अधी॑ति॒ । माम् ।  
अ॒भि ॥ ऋ॒षी॑णाम् । यः । पु॒रोहि॑त॒ इति॑ पु॒रः – हि॒तः ॥ निर्दे॑वमि॒ति॒  
निः – दे॒वम् । निर्वी॑रमि॒ति॒ निः – वी॒रम् । कृ॒त्वा । विष्क॑न्धमि॒ति॒  
वि – स्क॑न्धम् । तस्मि॑न् । ही॒य॒ताम् । यः । अ॒स्मान् । द्वेष्टि॑ ॥  
शरी॑रम् । य॒ज्ञश॑मलमि॒ति॒ य॒ज्ञ – श॑मलम् । कु॒सी॑दम् । तस्मि॑न् ।  
सी॒द॒तु॑ । यः । अ॒स्मान् । द्वेष्टि॑ ॥ य॒ज्ञ । य॒ज्ञस्य॑ । यत् । तेजः॑ । तेन॑ ।  
स॒मि॒ति॑ । क्रा॒म । माम् । अ॒भि ॥ ब्रा॒ह्म॒णान् । ऋ॒त्विजः॑ । दे॒वान् ।  
य॒ज्ञस्य॑ । तप॑सा । ते । स॒व । अ॒हम् । एति॑ । हु॒वे ॥ इष्टे॑न ।  
प॒क्वम् । उपे॑ति । 30 (50)

**TS 7.3.11.2**

ते हु॒वे स॒वाहं॑ ।  
सं ते॑ वृ॒ञ्जे सु॒कृ॒तꣳ सं प्र॒जां प॒शून् ॥  
प्रैषा॑न्थ्-सा॒मि॒धे॒नी-रा॒घा॒रा॒वा॒ज्य॒भा॒गा॒वा॒श्रु॒तं प्र॒त्याश्रु॑त॒मा शृ॑णामि ते ।  
प्र॒या॒जा॒नू॒या॒जा॒न्थ्-स्वि॑ष्ट॒कृ॒त-मि॒डा॒मा॒शि॒ष आ वृ॑ञ्जे सु॒वः ॥

पद पाठे (वाक्य सहित) – सप्तमकाण्डे – तृतीयः प्रश्नः

अग्निनेन्द्रेण सोमेन सरस्वत्या विष्णुना देवताभिः ।

याज्यानुवाक्याभ्यामुप ते हुवे सवाहं यज्ञमा ददे ते वषट्कृतं ॥

स्तुतुं शस्त्रं प्रतिगरं ग्रहमिडामाशिष – [ ] 31

**TS 7.3.11.2 - Padam**

ते । हुवे । सव । अहम् ॥ समिति । ते । वृज्जे । सुकृतमिति

सु – कृतम् । समिति । प्रजामिति प्र – जाम् । पशून् ॥ प्रैषानिति

प्र – एषान् । सामिधेनीरिति सां – इधेनीः । आघारावित्या – घारौ ।

आज्यभागावित्याज्य – भागौ । आश्रुतमित्या – श्रुतम् ।

प्रत्याश्रुतमिति प्रति – आश्रुतम् । एति । शृणामि । ते ॥

प्रयाजानूयाजानिति प्रयाज – अनूयाजान् । स्विष्टकृतमिति

स्विष्ट – कृतम् । इडाम् । आशिष इत्या – शिषः । एति । वृज्जे ।

सुवः ॥ अग्निना । इन्द्रेण । सोमेन । सरस्वत्या । विष्णुना ।

देवताभिः ॥ याज्यानुवाक्याभ्यामिति याज्या – अनुवाक्याभ्याम् ।

उपेति । ते । हुवे । सव । अहम् । यज्ञम् । एति । ददे । ते ।

वषट्कृतमिति वषट् - कृतम् ॥ स्तुतम् । शस्त्रम् । प्रतिगरमिति  
 प्रति - गरम् । ग्रहम् । इडाम् । आशिष इत्या - शिषः । 31 (50)

**TS 7.3.11.3**

आ वृञ्जे सुवः ।

पत्नीसँयाजानुप ते हुवे सवाहꣳ समिष्टयजुरा ददे तव ॥

पशून्त् सुतं पुरोडाशान्त् सवनान्योत यज्ञं ।

देवान्त् सेन्द्रानुप ते हुवे सवाह-मग्निमुखान्त् सोमवतो ये

च विश्वे ॥ 32

**TS 7.3.11.3 - Padam**

एति । वृञ्जे । सुवः ॥ पत्नीसँयाजानिति पत्नी-सँयाजान् । उपेति ।

ते । हुवे । सव । अहम् । समिष्टयजुरिति समिष्ट - यजुः । एति ।

ददे । तव ॥ पशून् । सुतम् । पुरोडाशान् । सवनानि । एति । उत ।

यज्ञम् ॥ देवान् । सेन्द्रानिति स-इन्द्रान् । उपेति । ते । हुवे । सव ।

अहम् । अग्निमुखानित्यग्नि - मुखान् । सोमवत इति सोम-वतः ।

ये । च । विश्वे ॥ 32 (32) (उप - ग्रहमिडामाशिषो - द्वात्रिंशच्च)

(A11)

पद पाठे (वाक्य सहित) – सप्तमकाण्डे – तृतीयः प्रश्नः

**TS 7.3.12.1**

भू॒तं॑ भ॒व्यं॑ भ॒वि॒ष्य॒द्व॒ष॒ट्थ्॑ स्वाहा॒ नम॑ ऋ॒ख् साम॑ य॒जुर्व॒ष॒ट्थ्॑ स्वाहा॒  
नमो॑ गाय॒त्री त्रि॒ष्टुब् जगती॑ व॒ष॒ट्थ्॑ स्वाहा॒ नमः॑ पृथि॒व्यन्त॑रि॒क्षं  
द्वौ॑ व॒ष॒ट्थ्॑ स्वाहा॒ नमो॑ ऽग्नि॒र्वा॒युः सूर्यो॑ व॒ष॒ट्थ्॑ स्वाहा॒ नमः॑ प्रा॒णो-  
व्या॒नो-ऽपा॒नो व॒ष॒ट्थ्॑ स्वाहा॒ नमो॑ ऽन्नं॑ कृ॒षि-वृ॒ष्टि-व॒ष॒ट्थ्॑ स्वाहा॒  
नमः॑ पि॒ता पु॒त्रः पौ॒त्रो व॒ष॒ट्थ्॑ स्वाहा॒ नमो॑ भू॒र्भुवः॑ ( ) सु॒वर्व॒ष॒ट्थ्॑  
स्वाहा॒ नमः॑ ॥ 33

**TS 7.3.12.1 - Padam**

भू॒तम् । भ॒व्यम् । भ॒वि॒ष्य॒त् । व॒ष॒ट् । स्वाहा॑ । नमः॑ । ऋ॒क् । साम॑ ।  
य॒जुः । व॒ष॒ट् । स्वाहा॑ । नमः॑ । गाय॒त्री । त्रि॒ष्टुप् । जगती॑ । व॒ष॒ट् ।  
स्वाहा॑ । नमः॑ । पृथि॒वी । अ॒न्त॑रि॒क्षम् । द्वौः॑ । व॒ष॒ट् । स्वाहा॑ ।  
नमः॑ । अ॒ग्निः । वा॒युः । सूर्यः॑ । व॒ष॒ट् । स्वाहा॑ । नमः॑ । प्रा॒ण इति॑  
प्र - अनः॑ । व्या॒न इति॑ वि - अनः॑ । अ॒पा॒न इत्य॑प-अनः॑ । व॒ष॒ट् ।  
स्वाहा॑ । नमः॑ । अ॒न्नम् । कृ॒षिः । वृ॒ष्टिः । व॒ष॒ट् । स्वाहा॑ । नमः॑ ।  
पि॒ता । पु॒त्रः । पौ॒त्रः । व॒ष॒ट् । स्वाहा॑ । नमः॑ । भूः॑ । भुवः॑ ( ) ।  
सु॒वः । व॒ष॒ट् । स्वाहा॑ । नमः॑ ॥ 33 (54)

(भुव॑ - श्र॒त्वारि॑ च) (A12)

**TS 7.3.13.1**

आ॑ मे॒ गृ॒हा भ॑वन्त्वा प्र॒जा म॒ आ मा॑ य॒ज्ञो वि॑शतु वी॒र्या॑वान् ।  
 आपो॑ दे॒वीर्य॑ज्ञिया॒ मा ऽऽ वि॑शन्तु स॒हस्र॑स्य मा भू॒मा मा प्र॑ हा॒सीत् ॥  
 आ॑ मे॒ ग्र॒हो भ॑वत्वा पु॒रोरु॑ख् स्तु॒तश॑स्त्रे मा ऽऽ वि॑शताꣳ स॒मीची॑ ॥  
 आ॒दि॒त्या रु॒द्रा व॑सवो मे॒ सद॒स्याः स॒हस्र॑स्य मा भू॒मा मा प्र॑ हा॒सीत् ॥  
 आ॑ माꣳग्नि॒ष्टोमो॑ वि॒शतू॒ ( ) कथ्य॑श्चाति॒रात्रो॒ मा ऽऽ वि॑शत्वापि॒शर्व॑रः ।  
 तिरो॑अ॒ह्निया॒ मा सु॒हुता॒ आ वि॑शन्तु स॒हस्र॑स्य मा भू॒मा मा  
 प्र॑ हा॒सीत् ॥ 34

**TS 7.3.13.1 - Padam**

ए॒ति । मे॒ । गृ॒हाः । भ॑वन्तु । ए॒ति । प्र॒जेति॑ प्र - जा । मे॒ । ए॒ति ।  
 मा । य॒ज्ञः । वि॒शतु॑ । वी॒र्या॑वानिति॒ वी॒र्य - वान् ॥ आपः॑ । दे॒वीः ।  
 य॒ज्ञियाः॑ । मा । ए॒ति । वि॒शन्तु॑ । स॒हस्र॑स्य । मा । भू॒मा । मा ।  
 प्रेति॑ । हा॒सीत् ॥ ए॒ति । मे॒ । ग्र॒हः । भ॑वतु । ए॒ति । पु॒रोरु॑गिति॒  
 पुरः - रुक् । स्तु॒तश॑स्त्रे इति॒ स्तुत - श॑स्त्रे । मा । ए॒ति ।

पद पाठे (वाक्य सहित) – सप्तमकाण्डे – तृतीयः प्रश्नः

वि॒श॒ता॒म् । समी॒ची॒ इति॑ ॥ आ॒दि॒त्याः । रु॒द्राः । वस॒वः । मे ।  
सद॒स्याः ॥ सह॒स्र॒स्य॑ । मा । भू॒मा । मा । प्रेति॑ । हा॒सीत् ॥ एति॑ ।  
मा । अ॒ग्नि॒ष्टोम॑ इत्यग्नि – स्तोमः । वि॒श॒तु ( ) । उक्थ्यः । च ।  
अ॒ति॒रा॒त्र इत्यति॑ – रा॒त्रः । मा । एति॑ । वि॒श॒तु । आ॒पि॒श॒र्व॒र  
इत्या॑पि – श॒र्व॒रः ॥ ति॒रोअ॑हि॒या इति॑ ति॒रः – अ॒हि॒याः । मा ।  
सु॒हु॒ता इति॑ सु – हु॒ताः । एति॑ । वि॒श॒न्तु । सह॒स्र॒स्य॑ । मा । भू॒मा ।  
मा । प्रेति॑ । हा॒सीत् ॥ 34 (68)

(अ॒ग्नि॒ष्टोमो॑ वि॒श॒त्व – ष॒द॒श॒ च) (A13)

**TS 7.3.14.1**

अ॒ग्नि॒ना तपो॑ ऽन्व॒भवद्-वा॒चा ब्र॒ह्म म॒णि॒ना रू॒पाणी॑न्द्रेण दे॒वान् वा॒तेन॑  
प्रा॒णान्थ् सूर्ये॑ण द्वां च॒न्द्रम॑सा नक्ष॒त्राणि॑ य॒मेन॑ पि॒तृन् रा॒जा म॒नुष्या॑न्  
फ॒लेन॑ नादे॒यान॑ज॒गरे॑ण सर्पा॑न् व्याघ्रे॑णाऽऽर॒ण्यान् प॒शूञ्छ्ये॑नेन  
प॒त॒त्रि॒णो वृ॑ष्णा ऽश्वा॑नृष॒भेण॑ गा ब॒स्तेना॑जा वृ॒ष्णिना॑ ऽवी॒र्व्रीहि॑णा ऽन्ना॑नि  
य॒वेनौष॑धी॒र्न्यग्रो॑धेन व॒नस्प॑तीनु॒दुंब॑रेणोर्जं गाय॒त्रिया॑ छ॒न्दा॒सि त्रि॒वृता॑  
स्तो॑मान् ब्रा॒ह्म॒णेन॑ ( ) वाचं ॥ 35

**TS 7.3.14.1 - Padam**

अ॒ग्नि॒ना॑ । तपः॑ । अ॒न्वि॒ति॑ । अ॒भ॒वत् । वा॒चा॑ । ब्र॒ह्म॑ । म॒णि॒ना॑ ॥  
रू॒पा॒णि॑ । इ॒न्द्रे॑ण । दे॒वान् । वा॒ते॒न॑ । प्रा॒णा॒नि॒ति॑ प्र – अ॒ना॒न् ।  
सू॒र्ये॑ण । द्या॒म् । च॒न्द्र॑म॒सा॑ । नक्ष॑त्राणि । य॒मे॒न॑ । पि॒तृ॒न् । रा॒ज्ञा॑ ॥  
म॒नु॒ष्या॒न् । फ॒ले॒न॑ । ना॒दे॒या॒न् । अ॒ज॒ग॒रे॒ण॑ । सर्पा॑न् । व्या॒घ्रे॒ण॑ ।  
आ॒र॒ण्या॒न् । प॒शू॒न् । श्ये॒ने॒न॑ । प॒त॒त्रि॒णः॑ । वृ॒ष्णा॑ । अ॒श्वान् ।  
ऋ॒ष॒भे॒ण॑ । गाः । ब॒स्ते॒न॑ । अ॒जाः । वृ॒ष्णि॒ना॑ । अ॒वीः॑ । व्री॒हि॒णा॑ ॥  
अ॒न्ना॒नि॑ । य॒वे॒न॑ । ओष॑धीः । न्य॒ग्रो॒र्धे॒न॑ । व॒न॒स्प॒ती॒न् । उ॒दु॒म्ब॒रे॒ण॑ ।  
ऊ॒र्ज॑म् । गा॒य॒त्रि॒या॑ । छ॒न्दा॑ँसि । त्रि॒वृ॒ते॒ति॑ त्रि – वृ॒ता॑ ॥ स्तो॒मा॒न् ॥  
ब्रा॒ह्म॒णे॒न॑ ( ) । वा॒च॒म् ॥ 35 (51) (ब्रा॒ह्म॒णे॒नै – कं च) (A14)

**TS 7.3.15.1**

स्वाहा ऽऽधि॑-मा॒धी॒ता॒य॑ स्वाहा स्वाहा ऽऽधी॑तं॒ मन॑से॒ स्वाहा स्वाहा  
मनः॑ प्र॒जा॒प॒त॒ये॑ स्वाहा का॒य॑ स्वाहा क॒स्मै॑ स्वाहा क॒त॒म॒स्मै॑ स्वाहा  
ऽदि॒त्यै॑ स्वाहा ऽदि॒त्यै॑ म॒ह्यै॑ स्वाहा ऽदि॒त्यै॑ सु॒मृ॒डी॒का॒यै॑ स्वाहा सर॑स्वत्यै  
स्वाहा सर॑स्वत्यै बृ॒ह॒त्यै॑ स्वाहा सर॑स्वत्यै पा॒व॒का॒यै॑ स्वाहा पू॒ष्णे॑ स्वाहा

पद पाठे (वाक्य सहित) – सप्तमकाण्डे – तृतीयः प्रश्नः

पू॒ष्णे प्र॒प॒थ्याय॒ स्वाहा॑ पू॒ष्णे न॒र॒न्धि॒षाय॒ स्वाहा॑ त्वष्ट्रे॒ स्वाहा॑ त्वष्ट्रे॑  
तु॒री॒पाय॒ स्वाहा॑ त्वष्ट्रे॑ पु॒रु॒रूपाय॒ स्वाहा॑ ( ) वि॒ष्णवे॒ स्वाहा॑  
वि॒ष्णवे॑ नि॒खुर्य॑पाय॒ स्वाहा॑ वि॒ष्णवे॑ नि॒भूय॑पाय॒ स्वाहा॑ सर्व॑स्मै  
॥  
स्वाहा ॥ 36

**TS 7.3.15.1 - Padam**

स्वाहा॑ । आ॒धि॒मित्या॑ – धि॒म् । आ॒धी॒ताये॒त्या – धी॒ताय॑ । स्वाहा॑ ।  
स्वाहा॑ । आ॒धी॒त॒मित्या॑ – धी॒त॒म् । मन॑से । स्वाहा॑ । स्वाहा॑ । मनः॑ ।  
प्र॒जा॒प॒तय॑ इति॑ प्र॒जा – प॒तये॑ । स्वाहा॑ । काय॑ । स्वाहा॑ । क॒स्मै ।  
स्वाहा॑ । क॒त॒म॒स्मै । स्वाहा॑ । अ॒दि॒त्यै । स्वाहा॑ । अ॒दि॒त्यै । म॒ह्यै ।  
स्वाहा॑ । अ॒दि॒त्यै । सु॒मृ॒डी॒काया॑ इति॑ सु – मृ॒डी॒कायै॑ । स्वाहा॑ ।  
स॒र॒स्व॒त्यै । स्वाहा॑ । स॒र॒स्व॒त्यै । बृ॒ह॒त्यै । स्वाहा॑ । स॒र॒स्व॒त्यै ।  
पा॒व॒कायै॑ । स्वाहा॑ । पू॒ष्णे । स्वाहा॑ । पू॒ष्णे । प्र॒प॒थ्याये॑ति  
प्र॒प॒थ्याय॑ । स्वाहा॑ । पू॒ष्णे । न॒र॒न्धि॒षाय॑ । स्वाहा॑ । त्वष्ट्रे॑ । स्वाहा॑ ।  
त्वष्ट्रे॑ । तु॒री॒पाय॑ । स्वाहा॑ । त्वष्ट्रे॑ । पु॒रु॒रूपा॑येति॑ पु॒रु – रू॒पाय॑ ।  
स्वाहा॑ ( ) । वि॒ष्णवे॑ । स्वाहा॑ । वि॒ष्णवे॑ ।



नि॒खुर्य॑पायेति॑ नि॒खुर्य॑ – पाय॑ । स्वाहा॑ ॥ वि॒ष्णवे॑ । नि॒भूय॑पायेति॑  
नि॒भूय॑ – पाय॑ । स्वाहा॑ ॥ सर्व॑स्मै । स्वाहा॑ ॥ 36 (60)

(पुरु॑रूपाय॑ स्वाहा॑ – दश॑ च) (A15)

**TS 7.3.16.1**

द॒द्भ्यः॑ स्वाहा॑ ह॒नू॒भ्या॑ ॥ स्वाहा॑ ॥ स्वाहा॑ ॥ स्वाहा॑ ॥ स्वाहा॑ ॥  
ना॒सिका॑भ्या॑ ॥ स्वाहा॑ ॥ अ॒क्षी॑भ्या॑ ॥ स्वाहा॑ ॥ क॒र्णा॑भ्या॑ ॥ स्वाहा॑ ॥  
पा॒र इ॒क्ष्वो॑ऽवा॒र्ये॑भ्यः॑ प॒क्ष्म॑भ्यः॑ स्वाहा॑ ॥ वा॒र इ॒क्ष्वः॑ पा॒र्ये॑भ्यः॑  
प॒क्ष्म॑भ्यः॑ स्वाहा॑ ॥ शी॒र्ष्णे॑ स्वाहा॑ ॥ भ्रू॒भ्या॑ ॥ स्वाहा॑ ॥ ल॒ला॒टाय॑ स्वाहा॑ ॥  
मूर्द्ध॑ने॒ स्वाहा॑ ॥ म॒स्ति॒ष्काय॑ स्वाहा॑ ॥ के॒शे॑भ्यः॑ स्वाहा॑ ॥ वहा॑य॒ स्वाहा॑ ॥  
ग्री॒वाभ्यः॑ स्वाहा॑ ॥ स्क्॒न्धे॑भ्यः॑ स्वाहा॑ ॥ की॒कसा॑भ्यः॑ स्वाहा॑ ॥ पृ॒ष्ठीभ्यः॑  
स्वाहा॑ ॥ पा॒जस्या॑य॒ स्वाहा॑ ॥ पा॒र्श्वा॑भ्या॑ ॥ स्वाहा॑ – [ ] 37

**TS 7.3.16.1 - Padam**

द॒द्भ्य इति॑ दत् – भ्यः॑ । स्वाहा॑ ॥ ह॒नू॒भ्यामि॒ति॑ ह॒नु – भ्या॑म् ।  
स्वाहा॑ ॥ ओ॒ष्ठा॑भ्या॑म् । स्वाहा॑ ॥ मु॒खाय॑ । स्वाहा॑ ॥ ना॒सिका॑भ्या॑म् ।  
स्वाहा॑ ॥ अ॒क्षी॑भ्या॑म् । स्वाहा॑ ॥ क॒र्णा॑भ्या॑म् । स्वाहा॑ ॥ पा॒रे ।

पद पाठे (वाक्य सहित) – सप्तमकाण्डे – तृतीयः प्रश्नः

इ॒क्ष॒वः॑ । अ॒वा॒र्ये॑भ्यः । प॒क्ष॒म॒भ्य इति॑ प॒क्ष॒म – भ्यः॑ । स्वाहा॑ ॥  
 अ॒वा॒रे । इ॒क्ष॒वः॑ । पा॒र्ये॑भ्यः । प॒क्ष॒म॒भ्य इति॑ प॒क्ष॒म – भ्यः॑ । स्वाहा॑ ॥  
 शी॒र्ष्णे॑ । स्वाहा॑ ॥ भ्रू॒भ्याम् । स्वाहा॑ ॥ ल॒ला॒टाय॑ । स्वाहा॑ ॥ मूर्द्॒ध्ने॑ ।  
 स्वाहा॑ ॥ म॒स्ति॒ष्काय॑ । स्वाहा॑ ॥ के॒शे॑भ्यः । स्वाहा॑ ॥ व॒हाय॑ । स्वाहा॑ ॥  
 ग्री॒वा॒भ्यः॑ । स्वाहा॑ ॥ स्क्॒न्धे॑भ्यः । स्वाहा॑ ॥ की॒क॒सा॒भ्यः॑ । स्वाहा॑ ॥  
 पृ॒ष्ठी॒भ्य इति॑ पृ॒ष्ठी – भ्यः॑ । स्वाहा॑ ॥ पा॒ज॒स्याय॑ । स्वाहा॑ ॥  
 पा॒र्श्वा॒भ्याम् । स्वाहा॑ ॥ 37 (50)

**TS 7.3.16.2**

ऽ॒सा॒भ्या॑ ॥ स्वाहा॑ दो॒ष॒भ्या॑ ॥ स्वाहा॑ बा॒हु॒भ्या॑ ॥ स्वाहा॑  
 ज॒ङ्घा॒भ्या॑ ॥ स्वाहा॑ श्रो॒णी॒भ्या॑ ॥ स्वाहा॑ रु॒भ्या॑ ॥ स्वाहा॑ ऽ॒ष्ठी॒वद्भ्या॑ ॥  
 स्वाहा॑ ज॒ङ्घा॒भ्या॑ ॥ स्वाहा॑ भ॒स॒दे॑ स्वाहा॑ शि॒ख॒ण्डे॑भ्यः स्वाहा॑  
 वा॒ल॒धा॒नाय॑ स्वाहा॑ ऽ॒ण्डा॒भ्या॑ ॥ स्वाहा॑ शे॒पाय॑ स्वाहा॑ रे॒त॒से॑ स्वाहा॑  
 प्र॒जा॒भ्यः॑ स्वाहा॑ प्र॒ज॒न॒नाय॑ स्वाहा॑ प॒द्भ्यः॑ स्वाहा॑ श॒फे॒भ्यः॑ स्वाहा॑  
 लो॒म॒भ्यः॑ स्वाहा॑ त्व॒चे॑ स्वाहा॑ लो॒हि॒ताय॑ स्वाहा॑ मा॒साय॑ स्वाहा॑

स्ना॒व॒भ्यः॑ स्वाहा॒ अ॒स्थ॒भ्यः॑ स्वाहा॒ म॒ज्ज॒भ्यः॑ स्वाहा ( ) अ॒ङ्ग॒भ्यः॑  
स्वाहा॒ अ॒त्म॒ने॑ स्वाहा॒ सर्व॑स्मै॒ स्वाहा॑ ॥ 38

**TS 7.3.16.2 - Padam**

अ॒सा॒भ्याम्॑ । स्वाहा॑ । दो॒ष॒भ्या॒मिति॑ दो॒ष – भ्याम्॑ । स्वाहा॑ ।  
बा॒हु॒भ्या॒मिति॑ बा॒हु – भ्याम्॑ । स्वाहा॑ । ज॒ङ्घा॒भ्याम्॑ । स्वाहा॑ ।  
श्रो॒णी॒भ्या॒मिति॑ श्रो॒णि – भ्याम्॑ । स्वाहा॑ । ऊ॒रु॒भ्या॒मित्यू॒रु – भ्याम्॑ ।  
स्वाहा॑ । अ॒ष्ठी॒वद्भ्या॒मित्य॒ष्ठी॒वत् – भ्याम्॑ । स्वाहा॑ । ज॒ङ्घा॒भ्याम्॑ ।  
स्वाहा॑ । भ॒स॒दे॑ । स्वाहा॑ । शि॒ख॒ण्डे॑भ्यः । स्वाहा॑ । वा॒ल॒धा॒ना॒येति॑  
वा॒ल – धा॒नाय॑ । स्वाहा॑ । आ॒ण्डा॒भ्याम्॑ । स्वाहा॑ । शी॒पाय॑ । स्वाहा॑ ।  
रे॒त॒से॑ । स्वाहा॑ । प्र॒जा॒भ्य इति॑ प्र – जा॒भ्यः॑ । स्वाहा॑ । प्र॒ज॒न॒ना॒येति॑  
प्र – ज॒न॒नाय॑ । स्वाहा॑ । प॒द्भ्य इति॑ पत् – भ्यः॑ । स्वाहा॑ ।  
श॒फे॒भ्यः॑ । स्वाहा॑ । लो॒म॒भ्य इति॑ लो॒म – भ्यः॑ । स्वाहा॑ । त्व॒चे॑ ।  
स्वाहा॑ । लो॒हि॒ताय॑ । स्वाहा॑ । मा॒साय॑ । स्वाहा॑ । स्ना॒व॒भ्य इति॑  
स्ना॒व – भ्यः॑ । स्वाहा॑ । अ॒स्थ॒भ्य इत्य॒स्थ – भ्यः॑ । स्वाहा॑ ।  
म॒ज्ज॒भ्य इति॑ म॒ज्ज – भ्यः॑ । स्वाहा॑ ( ) । अ॒ङ्ग॒भ्यः॑ । स्वाहा॑ ।

पद पाठे (वाक्य सहित) – सप्तमकाण्डे – तृतीयः प्रश्नः

आत्मने॑ । स्वाहा॑ । सर्व॑स्मै । स्वाहा॑ ॥ 38 (56)

(पाश्चा॑भ्या॒ स्वाहा॑ – मज्ज॑भ्यः स्वाहा – षट् च॑) (A16)

**TS 7.3.17.1**

अज्ज्ये॑ताय॒ स्वाहा॑ ऽज्जिस॑कथाय॒ स्वाहा॑ शिति॑पदे॒ स्वाहा॑  
शितिक॑कुदे॒ स्वाहा॑ शिति॑रन्ध्राय॒ स्वाहा॑ शिति॑पृष्ठाय॒ स्वाहा॑  
शित्य॑साय॒ स्वाहा॑ पुष्प॑कर्णाय॒ स्वाहा॑ शित्यो॑ष्ठाय॒ स्वाहा॑ शिति॑भ्रवे॒  
स्वाहा॑ शिति॑भसदे॒ स्वाहा॑ श्वेतानू॑काशाय॒ स्वाहा॑ ऽज्ज्ये॑ स्वाहा॑  
ललामा॑य॒ स्वाहा॑ ऽसित॑ज्ञवे॒ स्वाहा॑ कृष्णौ॑ताय॒ स्वाहा॑ रोहितै॑ताय॒  
स्वाहा॑ ऽरुणौ॑ताय॒ स्वाहे॑दृशाय॒ स्वाहा॑ कीदृ॑शाय॒ स्वाहा॑  
तादृ॑शाय॒ स्वाहा॑ सदृ॑शाय॒ स्वाहा॑ विसदृ॑शाय॒ स्वाहा॑  
सुसदृ॑शाय॒ स्वाहा॑ रूपाय॒ स्वाहा॑ ( ) सर्व॑स्मै स्वाहा॑ ॥ 39

**TS 7.3.17.1 - Padam**

अज्ज्ये॑तायेत्यज्जि – ए॒ताय॑ । स्वाहा॑ ।

अज्जिस॑कथायेत्यज्जि – स॒कथाय॑ । स्वाहा॑ ।

शिति॑पद॒ इति॑ शिति – पदे॑ । स्वाहा॑ ।

शि॒ति॒क॒कु॒द॒ इति॑ शि॒ति॑ – क॒कु॒दे॒ । स्वाहा॑ ॥ शि॒ति॒र॒न्ध्रा॒येति॑  
 शि॒ति॑ – र॒न्ध्रा॒य॑ । स्वाहा॑ ॥ शि॒ति॒पृ॒ष्ठा॒येति॑ शि॒ति॑ – पृ॒ष्ठा॒य॑ । स्वाहा॑ ॥  
 शि॒त्य॒ञ्सा॒येति॑ शि॒ति॑ – अ॒ञ्सा॒य॑ । स्वाहा॑ ॥ पु॒ष्प॒कर्णा॒येति॑  
 पु॒ष्प॑ – कर्णा॒य॑ । स्वाहा॑ ॥ शि॒त्यो॒ष्ठा॒येति॑ शि॒ति॑ – ओ॒ष्ठा॒य॑ ।  
 स्वाहा॑ ॥ शि॒ति॒भ्र॒व॒ इति॑ शि॒ति॑ – भ्र॒वे॑ । स्वाहा॑ ॥ शि॒ति॒भ॒स॒द॒ इति॑  
 शि॒ति॑ – भ॒स॒दे॑ । स्वाहा॑ ॥ श्वे॒तानू॑काशायेति श्वे॒त॑ – अ॒नू॒का॒शाय॑ ।  
 स्वाहा॑ ॥ अ॒ञ्ज॒ये॑ । स्वाहा॑ ॥ ल॒लामा॑य । स्वाहा॑ ॥ अ॒सि॒त॒ज्ञ॒व॒  
 इत्य॑सि॒त॑ – ज्ञ॒वे॑ । स्वाहा॑ ॥ कृ॒ष्णै॒तायेति॑ कृ॒ष्ण॑ – ए॒ताय॑ । स्वाहा॑ ॥  
 रो॒हि॒तै॒तायेति॑ रो॒हि॒त॑ – ए॒ताय॑ । स्वाहा॑ ॥ अ॒रु॒णै॒तायेत्य॑रु॒ण॑ – ए॒ताय॑ ।  
 स्वाहा॑ ॥ ई॒दृ॒शाय॑ । स्वाहा॑ ॥ की॒दृ॒शाय॑ । स्वाहा॑ ॥ ता॒दृ॒शाय॑ ।  
 स्वाहा॑ ॥ स॒दृ॒शाय॑ । स्वाहा॑ ॥ वि॒स॒दृ॒शायेति॑ वि॒स॒दृ॒शाय॑ । स्वाहा॑ ॥  
 सु॒स॒दृ॒शायेति॑ सु॒ – स॒दृ॒शाय॑ । स्वाहा॑ ॥ रू॒पाय॑ । स्वाहा॑ ( ) ।  
 स॒र्व॒स्मै॑ । स्वाहा॑ ॥ 39 (52) (रू॒पाय॑ स्वाहा॑ – द्वे च॑ ) (A17)

पद पाठे (वाक्य सहित) – सप्तमकाण्डे – तृतीयः प्रश्नः

**TS 7.3.18.1**

कृ॒ष्णाय॑ स्वाहा॑ श्वे॒ताय॑ स्वाहा॑ पि॒शङ्गाय॑ स्वाहा॑ सा॒रङ्गाय॑ स्वाहा॑  
ऽरु॒णाय॑ स्वाहा॑ गौ॒राय॑ स्वाहा॑ ब॒भ्रवे॑ स्वाहा॑ न॒कुलाय॑ स्वाहा॑ रोहि॑ताय॒  
स्वाहा॑ शो॒णाय॑ स्वाहा॑ श्या॒वाय॑ स्वाहा॑ श्या॒माय॑ स्वाहा॑ पा॒कलाय॑  
स्वाहा॑ सु॒रूपाय॑ स्वाहा॑ ऽनु॒रूपाय॑ स्वाहा॑ वि॒रूपाय॑ स्वाहा॑ स॒रूपाय॑  
स्वाहा॑ प्र॒तिरूपाय॑ स्वाहा॑ श॒बलाय॑ स्वाहा॑ क॒मलाय॑ स्वाहा॑ पृ॒श्नये॑  
स्वाहा॑ पृ॒श्निस॒क्थाय॑ स्वाहा॑ सर्व॑स्मै॒ स्वाहा॑ ॥ 40

**TS 7.3.18.1 - Padam**

कृ॒ष्णाय॑ । स्वाहा॑ । श्वे॒ताय॑ । स्वाहा॑ । पि॒शङ्गाय॑ । स्वाहा॑ । सा॒रङ्गाय॑ ।  
स्वाहा॑ । अ॒रुणाय॑ । स्वाहा॑ । गौ॒राय॑ । स्वाहा॑ । ब॒भ्रवे॑ । स्वाहा॑ ।  
न॒कुलाय॑ । स्वाहा॑ । रोहि॑ताय॒ । स्वाहा॑ । शो॒णाय॑ । स्वाहा॑ ।  
श्या॒वाय॑ । स्वाहा॑ । श्या॒माय॑ । स्वाहा॑ । पा॒कलाय॑ । स्वाहा॑ ।  
सु॒रूपायेति॑ सु - रू॒पाय॑ । स्वाहा॑ । अनु॒रूपायेत्यनु॑ - रू॒पाय॑ ।  
स्वाहा॑ । वि॒रूपायेति॑ वि-रू॒पाय॑ । स्वाहा॑ । स॒रूपायेति॑ स-रू॒पाय॑ ।  
स्वाहा॑ । प्र॒तिरूपायेति॑ प्र॒ति - रू॒पाय॑ । स्वाहा॑ । श॒बलाय॑ । स्वाहा॑ ।

क॒मला॒य॑ । स्वा॒हा॑ । पृ॒ञ्ज॑ये । स्वा॒हा॑ । पृ॒ञ्जि॒स॒क्था॑येति  
पृ॒ञ्जि॒ - स॒क्था॑य॑ । स्वा॒हा॑ । सर्व॑स्मै । स्वा॒हा॑ ॥ 40 (46)

(कृ॒ष्णाय॑ - षट्च॒त्वारि॒ंशत्) (A18)

**TS 7.3.19.1**

ओष॑धीभ्यः स्वा॒हा॑ मू॒ले॒भ्यः॑ स्वा॒हा॑ तू॒ले॒भ्यः॑ स्वा॒हा॑ काण्डे॑भ्यः  
स्वा॒हा॑ वल्॒शे॑भ्यः स्वा॒हा॑ पु॒ष्पे॑भ्यः स्वा॒हा॑ फ॒ले॑भ्यः स्वा॒हा॑  
गृ॒ही॒ते॒भ्यः॑ स्वा॒हा॑ अ॒गृ॒ही॒ते॒भ्यः॑ स्वा॒हा॑ अ॒व॒प॒न्ने॑भ्यः स्वा॒हा॑ श॒या॒ने॑भ्यः  
स्वा॒हा॑ सर्व॑स्मै स्वा॒हा॑ ॥ 41

**TS 7.3.19.1 - Padam**

ओष॑धीभ्य इत्योष॑धि-भ्यः । स्वा॒हा॑ । मू॒ले॒भ्यः॑ । स्वा॒हा॑ । तू॒ले॒भ्यः॑ ।  
स्वा॒हा॑ । काण्डे॑भ्यः । स्वा॒हा॑ । वल्॒शे॑भ्यः । स्वा॒हा॑ । पु॒ष्पे॑भ्यः ।  
स्वा॒हा॑ । फ॒ले॑भ्यः । स्वा॒हा॑ । गृ॒ही॒ते॒भ्यः॑ । स्वा॒हा॑ । अ॒गृ॒ही॒ते॒भ्यः॑ ।  
स्वा॒हा॑ । अ॒व॒प॒न्ने॑भ्य इत्यव॑ - प॒न्ने॑भ्यः । स्वा॒हा॑ । श॒या॒ने॑भ्यः ।  
स्वा॒हा॑ । सर्व॑स्मै । स्वा॒हा॑ ॥ 41 (24)

(ओष॑धीभ्य - श्रु॒तुर्वि॒ंशतिः) (A19)

पद पाठे (वाक्य सहित) – सप्तमकाण्डे – तृतीयः प्रश्नः

**TS 7.3.20.1**

वनस्पतिभ्यः॑ स्वाहा॑ मूले॑भ्यः॑ स्वाहा॑ तूले॑भ्यः॑ स्वाहा॑ स्कन्धो॑भ्यः॑  
स्वाहा॑ शाखा॑भ्यः॑ स्वाहा॑ पर्णे॑भ्यः॑ स्वाहा॑ पुष्पे॑भ्यः॑ स्वाहा॑ फले॑भ्यः॑  
स्वाहा॑ गृहीते॑भ्यः॑ स्वाहा॑ अगृहीते॑भ्यः॑ स्वाहा॑ अवपन्ने॑भ्यः॑ स्वाहा॑  
शयाने॑भ्यः॑ स्वाहा॑ शिष्टाय॑ स्वाहा॑ अतिशिष्टाय॑ स्वाहा॑ परिशिष्टाय॑  
स्वाहा॑ सञ्शिष्टाय॑ स्वाहोच्छिष्टाय॑ स्वाहा॑ रिक्ताय॑ स्वाहा॑ अरिक्ताय॑  
स्वाहा॑ प्ररिक्ताय॑ स्वाहा॑ सञ्रिक्ताय॑ स्वाहोद्रिक्ताय॑ स्वाहा॑ सर्वस्मै॑  
स्वाहा॑ ॥ 42

**TS 7.3.20.1 - Padam**

वनस्पतिभ्य॑ इति वनस्पति॑ – भ्यः॑ । स्वाहा॑ । मूले॑भ्यः॑ । स्वाहा॑ ।  
तूले॑भ्यः॑ । स्वाहा॑ । स्कन्धो॑भ्य इति स्कन्धः॑ – भ्यः॑ । स्वाहा॑ ।  
शाखा॑भ्यः॑ । स्वाहा॑ । पर्णे॑भ्यः॑ । स्वाहा॑ । पुष्पे॑भ्यः॑ । स्वाहा॑ ।  
फले॑भ्यः॑ । स्वाहा॑ । गृहीते॑भ्यः॑ । स्वाहा॑ । अगृहीते॑भ्यः॑ । स्वाहा॑ ।  
अवपन्ने॑भ्य इत्यव – पन्ने॑भ्यः॑ । स्वाहा॑ । शयाने॑भ्यः॑ । स्वाहा॑ ।  
शिष्टाय॑ । स्वाहा॑ । अतिशिष्टायेत्यति॑ – शिष्टाय॑ । स्वाहा॑ ।  
परिशिष्टायेति॑ परि-शिष्टाय॑ । स्वाहा॑ । सञ्शिष्टायेति॑ सं – शिष्टाय॑ ।



पद पाठे (वाक्य सहित) – सप्तमकाण्डे – तृतीयः प्रश्नः

---

स्वाहा॑ । उच्छि॑ष्टायेत्युत् – शि॒ष्टाय॑ । स्वाहा॑ । रि॒क्ताय॑ । स्वाहा॑ ।  
अरि॑क्ताय । स्वाहा॑ । प्ररि॑क्तायेति प्र – रि॒क्ताय॑ । स्वाहा॑ ।  
संरि॑क्तायेति सं – रि॒क्ताय॑ । स्वाहा॑ । उद्वि॑क्तायेत्युत् – रि॒क्ताय॑ ।  
स्वाहा॑ । सर्व॑स्मै । स्वाहा॑ ॥ 42 (46)

(वन॑स्पति॒भ्यः – षट् च॑त्वारि॒ंशत्) (A20)

---

पद पाठे (वाक्य सहित) – सप्तमकाण्डे – तृतीयः प्रश्नः

Prasna Korvai with starting Padams of 1 to 20 Anuvaakams :-

(प्र॒ज॒वं॑ – ब्र॒ह्म॒वा॒दि॒नः॑ कि॒ – मे॒ष॒ वा॒ आ॒प्त॒ – आ॒दि॒त्या॑ उ॒भ॒योः॑ –  
प्र॒जा॒प॒ति॒र॒न्वा॒य॑ – नि॒न्द्रो॒ वै स॒दृ॒ङ् – डि॒न्द्रो॒ वै शि॒थि॒लः॑ –  
प्र॒जा॒प॒ति॒र॒का॒म॒य॒ता॒न्ना॒दः॑ – सा॒ वि॒रा॒ड॒ – सा॒वा॒दि॒त्यो॑ – ऽर्वा॒ङ् – भू॒त  
– मा॒ मे॒ – ऽग्नि॒ना॒ – स्वा॒हा॒ऽऽधि॒न् – द॒द्भ्यो॑ऽ – ञ्ज्ये॒ताय॑ –  
कृ॒ष्णा॒ – यौष॑धी॒भ्यो॒ – व॒न॒स्प॒ति॒भ्यो॒ – वि॒श्र॑तिः)

Korvai with starting Padams of 1, 11, 21 Series of Panchaatis :-

(प्र॒ज॒वं॑ – प्र॒जा॒प॒ति॒ – र्य॑द॒छ॒न्दो॒मं॑ – ते॒ हु॒वे॒ स॒वा॒ऽह॑ – मोष॑धी॒भ्यो॒  
– द्वि॑च॒त्वा॒रि॒श॒त्)

First and Last Padam of Third Prasnam of 7th Kandam

(प्र॒ज॒व॒ञ् – सर्व॑स्मै॒ स्वा॒हा॑)

॥ हरिः॑ ओं ॥

॥ कृष्ण यजुर्वेदीय तैत्तिरीय संहितायां पद पाठे सप्तमकाण्डे तृतीयः

प्रश्नः समाप्तः ॥

## पद पाठे (वाक्य सहित) – सप्तमकाण्डे – तृतीयः प्रश्नः

### Details of Panchati and Padam for Kandam 7, Prasanam 3 (TS 7.3)

	Panchati	Padams
Anuvakam 1	4	201
Anuvakam 2	2	91
Anuvakam 3	2	93
Anuvakam 4	2	84
Anuvakam 5	3	181
Anuvakam 6	2	101
Anuvakam 7	4	202
Anuvakam 8	2	87
Anuvakam 9	3	173
Anuvakam 10	5	271
Anuvakam 11	3	132
Anuvakam 12	1	54
Anuvakam 13	1	68
Anuvakam 14	1	51
Anuvakam 15	1	60
Anuvakam 16	2	106
Anuvakam 17	1	52
Anuvakam 18	1	46
Anuvakam 19	1	24
Anuvakam 20	1	46
Total →	42	2123

#### Notes:

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site [www.vedavms.in](http://www.vedavms.in)